



提刑開國文林列傳

考城公附見

提刑公諱庭育原渥字潤甫更字茂達行十七比
幼子也熙寧間以比部應謁選與分寧庭堅公爲
行時亦以潞公薦改著作佐郎相持汴岸置酒贈
元豐西公在里魯直移監德安過浦陽孝義展
前詳派系曉然先世之源歎曰多歌詩以誌嗣
魯直居謫所不復見公終廣西提刑至平反至今
外尸祝云五子第三子九齡考城令金人陷
於軍

開國公諱彥字子實

大贈君舜卿



歲力學方重寡言從 陸佃學於汝上熙寧丙

登徐鐸榜進士授城尉移宜興丞元祐間調興化

軍錄事兼軍所至有惠政嘗與文衡同官有以郡守

子囑公正色斥之遷開封尉氏監稅故知處州麗水

俱以循良稱入為都水監丞尋奉命秦鳳路經略安

撫晉戶部侍郎大中大夫文安縣開國男食邑三百

戶享年八十卒

文林公諱永字謹修徵君晉卿公少子也宣和間入

行取士郡國以公應詔闕辛丑賊黨蔡五吳二等發

東陽公詣鄉帥尚書劉公洽陳安撫之略劉便宜分

兵部記降者萬九千人以功授文林郎

家史氏曰三公氣卓犖略不世而出以風流蘊藉論
著前徽慨然寤寐



光緒壬午重修



宣諭開府國學列傳

郡邑志

宣諭公諱汝礪字國器司封公長子生而機警藝略
過人少遊太學宣和庚子睦寇亂司封公命還衛鄉
井全活無算語具開府傳明年四月寇平公趨東都
會賊黨蔡五吳二復發東陽道梗公同季父永詣鄉
師命書劉公幹計畫勒兵諭降進白宣撫使活又萬
人靖康間公在圍城與陳東伏闕陳言二聖播越隨
侍南遷雖張皇困路公奉司封百折而前五月高宗
卽位司封公病劇晝夜調護依依行在闕六月廿日
竟以憤懣死裹尸東呼兩弟逆葬廬墓有年建炎紹

興間金人南牧公從兄九齡沒考城例與廕提刑公
以公勇略聞授永康尉歷陝西宣諭使准備差遣每
進策當寧以議和故扼吭者屢紹興十九年己巳五
月四日賚志歿距生紹聖元年甲戌年五十六元配
羅繼配高子五闔闔閉闔間浦城王思忠誌其墓

開府公諱汝楫字巨濟司封公次子宣諭公仲弟也

起家監潭州歷處州司理調臨安鹽筴紹興間移知

浦江公善治獄多平反先是宣和庚子方臘犯境公

瘞珍藏避山谷倉卒遇賊執白旗者前拜視之舊僕

也詢其狀曰衆掠婦女鬻金帛無者戮速遲日

虜公聞言泣然曰際此末流貴何爲遂謀發瘞金數萬緡輦其營賊帥義之悉縱還公資之歸無夫與屬者育而嫁之一夕夢神謂曰上帝以子活人多賜汝五子登第迨入靖康金人長驅遠近徙者載道公益發廩粟無虛日浙東西差安以浦江令乞嗣後以子貴累封開府儀同三司配蔣封吉國夫人乾道庚寅閏五月二十五日終於里第距生紹聖丙子二月十九日享年七十有五子八開閣閣閣閣進士闔闔閣特奏名時人比之燕山五桂荀氏八龍云

國學公諱汝霖字公澤司封公幼子也以政和間舉

光緒壬午重修

公宣和以來寇亂相仍提擄奔逸公雖幼言動有識儼若成人靖康間神州陸沉從仲兄講業家園姿性文章宗黨交羨紹興戊午定都臨安立太學公與錫山尤袤三山林棟同預首選稱三俊未卒業而終年二十四後尤與林俱爲閩人悼公之歿也哀詞傳於世

家史氏曰當宋宣和紹興間民不聊生宣諭之諭降開府之贖俘德澤懋焉國學公俯不嗇於年其施爲亦不可勝道者哉



崇安文獻卷計海鹽開國列傳

閩關附見

郡邑志

稍訂

崇安公諱開字必先行千一開府公冢子也遊太學
登紹興甲戌張孝祥榜進士授歙縣簿調江山丞遷
崇安令通經術博學好古所著有語孟發揮周易圖
說孟子辨志麟經總論春秋妙旨六經指南諸史決
疑暨陽雜俎浣溪文集二百六十餘卷傳世以終
庚戌三月六日卒距生宣和亡亥五月二十日享年

七十有二 祀鄉賢弟闔字必昌行千二開府公次
子也與仲奏名擢蘄州 梅尉歷荔浦丞修

光緒壬午重修

宣和庚子六月十八日生紹興辛亥十月六日卒

文忠公諱闕字必謙行千三開府公三子也與冢兄
開同登紹興甲戌進士授婺州武義尉故監文思院
以乾道己丑三月二十八日卒於官距生建炎丁未
十二月二十四日享年四十有三李耆俊誌其墓

審計公諱閣字必升行千四開府公四子也與兄開
閱同遊太學同登紹興甲戌進士授台州天台尉移
繁昌令調臨安城北都廂改文檢院尋擢諸軍審計
司軍器監以淳熙壬寅六月一日卒距生建炎庚戌

三月六日享年五十有三公才肆應喜讀書雖軍旅

涖篋不釋卷風賦檜之誤國著有百相傳城山集寓
龜鑑焉

海鹽公諱閻字必誠行年七開府公第五子由國學
省試別院第一乾道己丑登鄭僑榜進士授衡州比
較務移福州左司理改鎮江府教授轉臨安海鹽令
嘉泰辛酉二月十七日卒於官距生紹興甲寅正月
十一日享年六十有八著拙菴文集二十卷弟闡字
必大行年八開府公第六子占特奏名授將仕郎

開國公諱聞字必明行年七開府公第七子以紹興
丁巳四月十八日舉公性樂易文章下筆千言登紹

光緒壬午重修

興虞辰梁克家榜進士授明州比較務行在打套局
改鎮江府授移知徽州縣尋調吳江改官誥院
簿遷國子監丞兼吳興郡王府教授宗正丞兼左曹
郎太常丞轉司封郎改秘書丞出知永州提舉建寧
府武夷山冲佑觀封中奉大夫睦州開國男食邑三
百戶賜紫金魚袋爲政持大體高孝光寧累朝寵遇
嘗進明良政要二帙鼎慶頌一帙芝堂文集二十卷
宗譜十六卷傳世以嘉定癸酉正月二十六日卒享
年七十有七弟閔字必裕行千十一開府公第八子
也舉特奏各科授寧國府旌德尉歷修職郎清熙癸

卯三月一日至生紹興庚午正月二十七日享年
三十有四

家史氏曰我黃當中原板蕩生齒繁庶人文輩出爲
東南巨室半壁賴以安讀孝宗御製詩天人之際彰
彰明甚



光緒壬午重修



澧州列傳

邑

志

補訂

澧州公諱嘉禮字仲文文林公永仲子也性至孝力學能文以紹興壬子舉進士授處州法曹移西安丞轉淮東江西檢法尋知澧州以母老歸養忽失明公禱於神曰母毫承歡非目不可祈賜之明畢吾事親之日目乃復明後母卒盲如故享年七十有八家史氏曰事親庸行也純孝格天盲且復明然則人子於父母可忍乎哉



光緒壬午重修



元祐公列傳

公諱康國字元祐行百十八爲漢倫書令魏郡太守
江夏文強香公三十六世孫遷剡雙井世重公秘十
世孫暨孝義衛尉少卿仲驥公振六世孫仲驥公長
子比部員外郎宋卿之曾孫穆公之子也性至孝廬
墓花亭不返公與昆季日侍晨昏遂居焉宋宣和間
睦寇亂賊黨東陽蔡五吳二等應之暨陽一帶民不
聊生公因進元祐宣諭使改礪公安家人老弱於岫
之穀來西川資石潭今之官員地公復還鄉井公棲息
久之見外有茅籬四塞之固中涵秋蘆沃野之饒左

光緒壬午重修

泉右原龍孫道舌可漑可茹遂定居於穀來之姚街
是爲於遷穀來之祖偕配吳氏繼配申屠氏生五子
仁義禮智信二子禮舉孫曰太師舜明姚公見而奇
之妻以女徽廟后女弟也

家史氏曰公侍父廬祖墓於花亭子孝孫慈宜大其
宗遷地穀來遂成望族迄今後裔功業文章輝映傳
誌始基之德何其厚耶




進士列傳


宋史

公諱庠字長善洪州分寧人博學強記超敏過人初至京師就舉國子監開封府禮部皆爲第一比引試崇政殿以疾不時入天子遣內侍卽抵舍撫問賜以藥劑是時庠名聲動京師所作程文傳誦天下聞於外夷近世布衣罕比也歸江南五年以病卒

家史氏曰公以英妙之姿魁奇之學未究所用惜哉



光緒壬午重修



樞密列傳

宋史

公諱廉字夷仲洪州分寧人第進士歷州縣熙寧初
或薦之王安石安石與之言問免役事廉據舊法以
對甚悉安石曰是必能辦新法白神宗召訪時務對
曰陛下意在便民法非不良也而吏非其人朝廷立
法之意則一而四方推奉紛然不同所以法行而民
病陛下不盡察也河朔被水河南齊晉旱淮浙飛蝗
江夏疫癘陛下不盡知也帝卽命廉體量振濟東道
除司農丞還報合旨權利州路轉運判官復丞司農
爲監察御史行建言成天下之務莫急於人才願

光緒壬午重修

令兩制近臣。轉運使各得舉士。詔各薦一人。繼言
寒遠下僚。既得名聞於上。願令中書審其能而表用。
則急才之詔不虛行於天下矣。又言比年水旱。民蒙
支貸倚閣之恩。今幸歲豐。有司悉當舉催。久飢初稔。
累給併償。是使民遇豐年而思歉歲也。請令諸道以
漸督取之。論俞充結王中正致宰屬。并言中正任使
太重。帝曰。人才蓋無類。顧駕御之何如耳。對曰。雖然。
臣慮漸不可長也。河決曹村壞田三十萬頃。民廬舍
三十八萬家。受詔安撫京東。發廩賑饑。遠不能至者。
分遣吏移給擇高地作舍。以居民。流民過所。征錢

轉者賦糧質私牛而與之錢養男女棄於道者丁壯則役其力凡所活二十五萬相州獄起鄧伯溫上官均論其寃得譴去詔廉詰之竟不能正未幾獄成始悔之加集賢校理提點河東刑獄遼人求代北地廉言分水畫境失中國險固啓豺狼心其後契丹果包取兩不耕地下臨雁門父老以爲恨王中正發西兵用一而調二轉運使又附益之廉曰民朘剝至骨斟酌不貲足矣忍自竭根本耶卽奏云師必無功盍有以善其後旣大軍潰歸中正嫁罪於轉餉廉詣上黨對理坐元祐元年召爲戶部郎中陸思闈

光緒壬午重修

茶法爲川陝遺廢使蜀按察至則奏罷其太甚者
且言前所爲誠病民若悉以予之則邊計不集蜀貨
不通國毗將受其敝請權熙秦茶法勿罷而許東路
通商禁南茶毋入陝西以利蜀貨定俵馬歲額爲萬
八千匹朝廷可其議使以直秘閣提舉明年進爲左
司郎中遷起居郎集賢殿修撰樞密都承旨上官均
論其往附蔡確爲獄故陝西都轉運使拜給事中卒
年五十九

家史氏曰公言事婉不害理直不矯情多中措之施
行國計民生受其福相州獄公固欲以微權

疵以讓其迹未究其心

提舉狀元列傳

郡邑志

稍訂

提舉公諱兌字和之其先浦陽人七世祖秘徙剡雙井三子長曰惠徙孝義次曰信徙姚江季曰範卽公六世祖五季避地新昌遂占籍焉範生麥麥生丞甫丞甫生延敬延敬生相相生公及謀公生而精敏好學以治平四年丁未舉許安世榜進士授汾州靈石簿邑巖公教之樹藝民賴以食故撫州團練推官移德州平原詞古田縣熙寧中管勾荆湖營田水利檢覈侵漁疏理以塞遠近使之紹興乙亥提舉浙東立

光緒壬午重修

祠戶祀焉

狀元公諱諱少與兄兌讀書里第第在縣西偏沃洲
天姥南明獨秀四面環拱據一邑之勝因顏其堂曰
拱秀力學其間若將終身熙寧十年丁巳特奏免省
上舍釋褐進士第一人授沂州文學啓迪誘掖各隨
其人天人性命闡發無遺以故其徒多仕顯者

家史氏曰嘗讀志乘載提舉公盡心民務而宣獻之
志諶公有文行以是徵之二公措施誠不負所學云



文節公列傳

宋史

公諱庭堅字魯直洪州分寧人幼警悟讀書數過輒成誦舅李嘗過其家取架上書問之無不通嘗驚以爲一日千里治平四年舉進士調葉縣尉熙寧初舉四京學官第文爲優教授北京國子監畱守文彥博才之畱再任蘇軾嘗見其詩文以爲超軾絕塵獨立萬物之表世久無此作由是聲名始震知太和縣以平易治時課頒鹽筴諸縣爭占多數太和獨否吏不悅而民安之哲宗立召爲校書郎神宗實錄檢討官踰年遷著作佐郎加集賢校理實錄成擢起居舍人

光緒壬午重修

丁母艱庭堅性篤孝母病彌年晝夜視顏色衣不解帶及亡廬墓下哀毀得疾幾殆除服爲秘書丞提點明道宮兼國史編修官紹聖初出知宣州改鄂州章惇蔡卞與其黨論實錄多誣俾前史官分居畿邑以待問摘千餘條示之謂爲無驗證旣而院吏考閱悉有據依所餘才三十二事庭堅書用鐵籠爪治河有同兒戲至是首問焉對曰庭堅時官北都嘗親見之眞兒戲耳凡問有皆直辭以對聞者壯之貶涪州別駕黔州安置言考猶以處善地爲勸法以親嫌遂移戎州庭堅泊然不以遷謫介意士蜀慕從之游講學

不倦凡經指授下筆皆可觀徽宗卽位起監鄂州稅
僉書寧國軍判官知舒州以吏部員外郎各皆辭不
行丐郡得知太平州至之九日罷主管玉龍觀庭堅
在河北與趙挺之有微隙挺之執政轉運判官陳舉
承風旨上其所作荆南承天院記指爲幸災復除名
羈管宜州三年徙永州未聞命而卒爲崇寧四年乙
酉九月三十日距生慶曆五年乙酉六月十三日辰
時年六十一元配莘老女孫氏封蘭溪縣君繼配師
俊女謝氏封介休縣君一子相庭堅學問文章天成
性得師師道謂其詩得法杜甫學甫而不爲者善行

光緒壬午重修

草書嗜法亦自成一家與張耒晁補之秦觀天下稱
爲四學士而庭堅於文章尤長於詩蜀江西君子以
庭堅配蘇軾故稱蘇黃軾爲侍從時舉堅自代其詞
有瑰偉之文妙絕當世孝友之行追配古人之語其
重之也如此初游潛皖山谷寺石牛洞樂其林泉之
勝因自號山谷道人云紹興間詔贈龍圖閣學士咸
淳間謚文節

家史氏曰公直道自持浩然自得潞瓜薦於前
端明推於後聲施弈禩蔑如公者



太史山谷先生黃公行述

公諱庭堅字魯直姓黃氏其先發之金華人六世祖
瞻以策干南唐用爲著作郎知洪州分寧縣至元吉
始卜築修水上葬兩世於山中遂占籍焉元吉生中
塋

一名中理

光祿卿中塋生湜朝散大夫湜生庶嘗攝康

州贈中大夫公之皇考也公幼穎悟讀書五行俱下
數過輒憶康州奇之旣孤從舅尙書李公擇嘗過家
塾見其書帙紛錯因亂抽架上書問之無不通大驚
以爲一日千里也治平兩首鄉薦遂登四年第調汝
州葉縣尉熙寧中詔舉四京學官有司考其文章優

等遂除大名府國子監教授畱守太史文公才之畱
再任用薦耆故著作佐郎先是眉山蘇公子瞻見公
詩於孫莘老家絕嘆以爲世久無此作矣因以詩往
來會蘇公以詩抵罪公亦罰金直差知吉州泰和縣
故宣德郎泰和難治公以平易近民民亦不忍欺會
頒鹽筴諸邑爭授多數公獨平平耳大吏不悅而民
安之到官年餘移監德州德平鎮序遷奉議郎哲宗
卽位轉承議郎贈五品服乃以秘書省校書郎召入
館未幾除修神宗實錄院檢討官集賢校理逾年除
秘書省著作佐郎朝廷數議除美官爲言事者所梗

不果又遷執奉邸遇郊當任子金其子而官兄之子
實錄書成當進一官丐回授母夫人李氏朝廷從之
遂君安康郡公事母孝有曾閔之行安康臥疾彌年
公晝夜視顏色手湯劑衣不解帶時其疾痛疴瘁而
敬抑搔之至親滌廁澣中裙云遭母喪哀毀過人
得疾幾殆既還葬因廬墓側終喪先是蘇公嘗薦公
自代其略曰瑰偉之交妙絕當世孝友之行追配古
人世以爲實錄云服除除秘書丞集賢校理同修國
史辭疾乞守太平除宣又改鄂未幾管勾亳州明道
宮紹聖初議者言神宗實錄多誣失實名至陳雨問

光緒壬子重修

狀三明皆以賞對責授涪州別駕黔州安置命下左
右或泣公頷自若投牀大斲卽日上道君子是以知
公不以得喪休戚芥蒂其中也至黔寓開元寺摩圍
閣以登覽文墨自娛了無遷謫意俄以外兄作本路
常平官避嫌移戎州公一不以介意與後生講學致
我不怠兩州士人爭從之游經公指授下筆皆有可
觀今上登極復宣德郎監鄂州在城鹽稅改奉議郎
僉書寧國軍節度判官改朝奉郎知舒州又召爲吏
部員外郎辭疾不拜上章乞郡得知太平州到官九
日而罷管勾洪州至隆觀寓居江上公賦詩滿落胸

襟恢疏初無怨恩談笑嘲諷或以件物蓋官符趙承
相正夫而不屑也公往嘗作荊州承天院塔記轉運
判官陳舉承風旨採摘其間數語以幸步謗國遂除
名編隸宜州雖被橫逆未嘗一語尤之浩然自得也
崇寧四年九月三十日卒於宜州雉堞之南樓年六
十有一大觀三年十一月歸葬於雙井祖塋之西先
配孫氏莘老之女封蘭溪縣君後配謝氏師俊之女
封介休縣君一男曰相一女曰睦嫁將仕郎舒城李
文伯公學問文章天成性得落筆驚天下元祐中眉
山蘇公號文章伯是時公與高郵秦少游觀苑正張

光緒壬午重修

文潛表濟源晁無咎補之皆游其門以文相高號四
學士一文一詩出人爭傳誦之紙價爲高而公之詩
尤絕出高妙追配古人冠絕當世視後輝前晚節位
益黜名益高世以配眉山蘇公謂之蘇黃公嘗游潛
饒樂山谷寺牛洞之林泉因自號山谷道人天下皆
稱曰山谷而不以名字之以配東坡云公楷法妍媚
自成一家游荊州得古木蘭亭愛玩之不去手因悟
古人用筆意作小楷曰進曰他日當有知我者草書
尤奇偉公沒後人爭購其字一字千金云

贊曰自李杜沒而詩律衰唐末及五季雖皆以詩興

自名然格下氣弱么麼醜散無議爲也宋興楊文公始以文章莅盟然至爲詩專以李義山爲宗以漁獵掇拾爲博以儷花鬪葉爲工號稱西崑體媿然華靡而氣骨不存嘉祐以來歐公稱太白爲絕唱王文公推少陵爲高作而詩格大變高風之所扇作者間出班班可述矣元祐間蘇黃並出以碩學宏材鼓行士林引筆行墨追古人而與之俱世謂李杜歌詩高妙而文章不稱李翱皇甫湜古文典雅而詩獨不傳惟二公不然可謂兼之矣然世之論文者必稱東坡言詩者必首山谷其然豈其然乎山谷自黔州以後句

光緒壬午重修

法尤高華勢放縱實天下之奇才宋興以來一人而已矣



宣獻公列傳

宋史

公諱度字文叔紹興新昌人好學讀書秘書郎張淵見其文謂似曾鞏隆興元年進士知嘉興縣入監登聞鼓院行國子監簿言今日養兵爲巨患救患之策宜使民屯田陰復府衛以銷募兵具屯田府衛十六篇上之紹熙四年守監察御史蜀將吳挺死度言挺子曦必納賂求襲位若因授之恐爲他日患乞分其兵柄宰相難之後曦割關外四州賂金人求王蜀果如度言光宗以疾不過重華宮度上書切諫連疏極陳父子相親之義且言太白晝見犯天關熒惑勾芒

光緒壬午重修

三才木堂

行入太微其占爲亂兵入宮以諫不聽乞罷去又言以孝事君則忠臣父年垂八十菽水不親動經歲月事親如此何以爲事君之忠蓋託已爲諭冀因有以感悟上心又與臺諫官劾內侍陳源楊舜卿林億年三人爲今日禍根罪大於李輔國又言孔子稱天下有道則庶人不議夫人主有過公卿大夫諫而改則過不彰庶人奚議焉惟諫而不改失不可蓋使閭巷小人皆得妄議紛然亂生故勝廣黃巢之流議於下國皆隨以亡今天下無不議聖德者臣竊危之上猶不聽遂出修門上諭使安職度奏有言責者不得其

言則去理難復入寧宗卽位詔復爲御史故右正言
韓侂胄用事丞相留正去國侂胄知度嘗與正論事
不合欲諷使擠之度語同列曰丞相已去擠之易耳
然長小人聲焰可乎侂胄驟竊政柄以意所好惡爲
威福度具疏將論其姦爲侂胄所覺御筆遽除度直
顯謨閣知平江府度言蔡京擅權天下所由以亂今
侂胄假御筆逐諫臣使俛首去不得劾一言非爲國
之利也固辭丞相趙汝愚袖其疏入白詔以冲祐祿
歸養俄知婺州坐不發覺縣令張元敷贓罪降罷自
是紀綱一變大權盡出侂胄而黨論起矣然侂胄素


嚴憚度不敢加害起知泉州辭乃進寶文閣奉祠如
故侂胄誅天子思而召之除太常少卿尋兼國史院
編修官實錄院檢討官朝論欲函侂胄首以泗州五
千人還金度以爲辱國非之權吏部侍郎兼修玉牒
同修國史實錄院同修撰屢移疾以集英殿修撰知
福州遷寶謨閣待制始至訟牒日千餘度隨事裁決
日未中而畢進龍圖閣知建康府兼江淮制置使賜
金帶以行至金陵罷科糴輸送之擾活饑民百萬口
除見稅二十餘萬擊降盜卞整斬盜胡海首以獻格
歸業者九萬家侂胄嘗募雄淮軍已收刺者十餘萬

人別屯數千人未有所屬度憂其爲患人給錢四萬
復其役遣之遷寶謨閣直學士度以人物爲已任推
挽不休每曰無以報國惟有此耳十上引年之請不
許爲吏部尚書兼侍讀趣入覲論藝祖垂萬世之統
一曰純用儒生二曰務惜民力上納其言謝病丐去
遂以煥章閣學士知隆興府歸越提舉萬壽宮嘉定
六年十月卒進龍圖閣學士贈通奉大夫度志在經
世而以學爲本作詩書周禮說著史通抑僭竊存大
分別爲編年不用前史法至於天文地理井田兵法
卽近驗遠可以據依無迂陋重合之病又有藝祖憲

光緒壬午重修

監仁皇從諫錄屯田便宜歷代邊防行於世壻周南
周南字南仲平江人年十六游學吳下視時人業科
舉心陋之從葉適講學頓悟捷得爲文詞雅麗精切
而皆達於時用每以世道興廢爲己任登紹興元年
進士第爲池州教授會度以言忤當路御史劾度并
南罷之度與南俱入僞學黨開禧三年召試館職南
對策詆權要言者劾南罷之卒於家南端行拱立尺
寸有程淮自賜第授文林郎終身不進官兩爲館職
數月止既絕意當世敝衣惡食挾書忘晝夜曰此所
以遺吾老俟吾死也

家史氏曰史稱公守正不阿進退裕如能推明所
務引君以當道可謂粹然君子公實無愧



書上卷言
卷三

光緒壬午重修

三夫水公



文獻公列傳

元史

公諱潛字晉卿婺州義烏人母童氏夢大星墜於懷
乃有娠歷三十四月始生潛生而俊異比成童授以
書詩不一月成誦迨長以文名於四方中延祐二年
進士第授台州寧海丞縣地瀕鹽場亭戶恃其不統
於有司肆毒害民編戶隸漕司及財賦府者亦謂各
有所憑橫暴尤甚潛皆痛繩以法吏以利害自弗顧
也民有後母與僧通而酖殺其父者反誣民所爲獄
將成潛變衣冠陰察之具知其奸僞卒直其寃惡少
年名在盜籍者而謀爲劫奪未行邑大姓執之圖中

光緒壬午重修

賞格初無獲財左驗事久不決潛爲之疏剔以其獄
上論之如本條免死者十餘人遷兩浙都轉運鹽使
司石堰西場監運改諸暨州判官巡海官舸例以三
載一新費出於官而責足於民有餘則總其事者私
焉潛擷節浮蠹以餘錢還民驩呼而去奸民以爲鈔
鈎結黨與脇攘人財官若吏聽其謀挾往新昌天台
寧海東陽諸縣株連所及數百家民受禍至慘郡府
下潛鞫治潛一問皆引伏官吏除名同謀者皆杖遣
之有盜繫於錢塘縣獄游民賂獄吏私縱之假署文
牒發其來爲向導逮捕二十餘家潛訪得其情以正


盜宜傳重議持僞文書來者又非州民俱械還錢塘
誣者自明入爲憲奉翰林文字同知制誥兼國史院
編修官轉國子博士視弟子如朋友未始以師道自
尊輕納人拜而來學者滋益恭業成而仕皆有聞於
世時欲增設禮殿配位四配位合東坐而西向學官
或議分置於左右同列不敢爭潛獨而折之事乃平
出爲江浙等處儒學提舉潛年始六十七不俟引年
亟上納祿侍親之請絕江徑歸俄以秘書少監致仕
未幾落致仕除翰林直學士知制誥同修國史尋兼
經筵官執經進講者三十有二帝嘉其忠數出金織

光緒壬午重修

紋緞賜之陞侍講學士知制誥同修國史同知經筵
事階自將仕郎七轉至中奉大夫旋上章求歸不俟
報而行帝聞之遣使者_往還京師復爲前官久之始
得謝南還優游田里間凡七年至正甲午三月卒於
繡湖之私第年八十一贈中奉大夫江西等處行中
書省叅知政事護軍追封江夏郡公諡曰文獻潛天
資介特在州縣唯以清白爲治月俸弗給每鬻產以
佐其費及升朝行挺立無所附足不登鍾公_勢人之
門君子稱其清風高節如冰壺三尺纖塵弗汗然剛
中少容觸物或弦急遽震若未易涯埃一旋_空問煦

如陽春潛之學上極天下之書而約之於至精剖析
經史疑難及古今因革制度各物之屬旁引曲證多
先儒所未發文辭布置謹嚴援據精切俯仰雍容不
大聲色譬之澄湖不波一碧萬頃魚鱉蛟龍潛伏不
動而淵然之光自不可犯所著書有目損齋稿二十
三卷義烏志七卷筆記一卷

家史氏曰史稱公天資介特蒞官清白升朝挺立無
所附宋濂子諱弟子列稱公命世大儒丁南湖稱公
道德文章無不具嗚呼洵一代偉人歟



書目

卷三

光緒壬午重修

三才堂



孚道公傳併議

公諱肖字孚道行尙十一碑頭端二公之子玉玟公
之父康國公由孝義遷穀來第五世嗣孫也因玉玟
公贅富順而卜居遂就養於富順厥後終天行喪歸
葬於祖山之犀牛耳傳今百數年清明節次富順派
照房輪值賞禮祭奠不料派逆金老因貧盜砍墳蔭
富順派抱恨不平投族理論族長遂玉等以罪不可
恕本欲鳴官究治念伊悔悟知非懲以家法樹歸
家廟服墓消釋卽立合同不禁文約三紙三房各執
一紙以警效尤而杜後患撰入譜中作囑訓後議約

光緒壬午重修

三才

附后

雍正十二年十月

裔孫遂

玉謹誌



玉玟公傳

造物無不發之菁華。名山大川秀靈。是鍾或則爲都會。碩彥或則爲鄉邑。耆英類皆克自樹立。垂諸不朽。而於有大陰德者。天必保佑而申重之。旣栽培於其身。猶必眷顧篤厚於其子孫。俾光門閭。聚國族。保世滋大。而未有已。援古証今。往往不爽。如溫泉黃君玉玟。公者。係穀來康國公之六世孫。而胄公之令嗣也。年少輒有志節。不與儕俗伍。長者咸器之。其初自本正公遷居砮頭。至玉玟公已三世。而公與富順張氏有親。故時往來於張宅。鄉之人靡不以其晉接有禮。

光緒壬午重修

三夫木

而善遇之而張公繩六尤喜其狀貌魁梧品質高超
有古仁人義士風而幸其尚未有室也因以女妻焉
張公家素豐毫而無嗣生女二一適沈氏一則贅公
於家者其時張公自念年紀逾邁幸得佳壻以爲依
已絕意於似續矣且以謂他人子而未必才何如半
子之既賢遂悉將貲產中分以予二甥自以爲得計
焉然玉致公之心固甚有所不安者竊念岳父年雖
高邁精力未衰枯楊不可生梯乎於是屢請續娶而
堅不允遂從權爲計私擇德配於各門事成而後告
之至是乃不得已而勉從其意逾年而生一子玉致

公心甚喜以爲今而後無嗣而既有嗣矣徑將所予
貲產而悉還之再三不許而固歸之乃於傍遠隙地
自構數椽攜張太君而與居焉卽今綿綿繩繩聚族
而萃處者乃故里也嗟乎尙義而遠利天下寧有幾
人利人所有百計圖而得之遂據而恐失者有之矣
不寧惟是圖之不得而幸人之弱利人之孤陰謀以
傾覆之遂肆其攘奪者且所在皆是矣以視有而不
據予而不受存亡繼絕然無累如公者其賢不肖
相去何如耶迨於今其事遂不可追而流風如昨尙
論之餘無少長咸嘖嘖稱道不衰爲考其世系張公

光緒壬午重修

殷醇卽繩大公暮年所得之嗣也其子姓之蕃昌縣
祀於罔既者伊誰之賜而公之孝子賢孫松柏旣承
衣冠文物遂成剡西之望族非公盛德之畱遺安能
若是之光門閭而聚國族發祥而正未有艾乎如公
者洵足以垂不朽矣則夫發潛德之幽光於以傳世
行遠而爲來者勸固吾黨事也會修宗譜爰走筆而
樂爲之序

時

皇清順治庚子歲秋八月四日明史大成拜手撰

撰

實夫公傳

公諱宗信實夫字行盛八世團昌七公之長子也言
必有信事皆務實不尚詐飾無事浮靡其義行可嘉
不獨搭臺賜穀賑給饑民爲法於里黨可傳於後世
也德配名門王氏太君孝慈淑慎內助賢良相與以
有成者不少舉令嗣三孟守榮仲守富季守鸞悉爲
掌上珠肯堂肯構輪奐聿新似續繁衍馥如蘭桂濟
濟蹒蹒皆克亢宗雖守富至三傳而絕其榮鸞二枝
耕讀並行各重鄉評聲蜚雲屯者不勝指屈莫非敦
信崇實之所致五德五常五福並臻者古難槩見至

光緒壬午重修

公而無遺憾克肖乃祖玉致公之懿行美蹟誠克家
之賢裔也積德累仁翔步天衢流芳玉牒媲美前猷
增光祖烈自可佇立而待來茲

皆

皇清康熙甲申歲桂月之吉

翰林大學士任河南大主考鶴臯陳捷頓首拜撰



南松公傳述

公諱守榮字邦顯別號南松號何以松爲哉松筠永
勁四時長青不因沍寒而稍改節故葩經天保篇有
如松之盛之咏以松爲號義取於是公卽欲以此自
勵其志配丁太君丁家園郎中公之孫女也夙承閨
訓克相夫子咸有一德時稱內助之賢公孝親慈幼
和兄弟睦宗黨凡所施爲皆足爲儀表厥後四世孫
媳丁氏乃承策公原配菽水奉姑冰霜勵操節孝兩
全待旌綸綉無愧色進先係丁氏家嗣默體母心醇
謹孝女交稱里黨實有蔡順江革之風尤足珍者承


簡公與丁太君嫂也如姊如弟協力贊勸義方禮
正撫成嗣屬徵麟鳳之祥茲衆美於一門非先世之
有盛德者不克臻此吾以是嘆守榮公之遺澤長也
繼繼繩繩大發祥於溫泉重開耀於浣水永爲剡溪
所推尊者可爲守榮公頌慶矣

皆

皇清雍正三年歲次乙巳春月中和之吉

歲進士授金華浦江儒學正堂俞

拱頤首拜撰



國清公列傳

朝惠字國清號仰齋者噫此可欣可羨者也曷爲乎
爾以仰爲號蓋取高山仰止景行行止之義焉其命
意豈不善哉其立志豈不尙哉實有仰止之心而惟
恐景行之不逮焉者至其鴻才遠略豪壯之舉罔不
允服故在黨閭間勸善規過靡不用庇言重千金有
鄭公之休風焉至今祭田一項亦仰齋各塋欲後裔
景行不替萬世則效也配太君竺氏勞婉敬羨賢如
范滂母出一子時有元方季方之目冢嗣紹元字仲
英公者爲人好義慷慨植節有古義士之風獨有下

光緒壬午重修

三丈松堂

陳塘坂書田壹畝五分土各窖壺塘口俾派下奮力
螢窻名列膠宮者爲燈油之費內助竺氏端莊靜一
產六子森森然如玉樹之挺秀也其第五子立晃再
傳無續有田三畝坐乳母後坂永爲祭祀之費子肖
父孫繼祖意其後必有觀光揚烈善於繼志述事者

皆

皇清康熙十五年丙辰天中蒲觴之吉

賜進士兵科都給事都諫柏菴呂

燦頤首拜撰



昂翁先生行述

學子華先以乃祖之行述來請於予洵孝心也然予實未聆其話言未挹其風裁則烏得而述之哉曾記家大人有言言其祖立昂公溫溫恭人其人如玉噫是可知其爲人矣必其處己也無華無競其待人也抗不卑和鄰睦族罔不被其休容息紛解爭莫不感其雅度德積於中光瑩於外固無異於荆山之璞亦無遜於席上之珍雖未獲見售於世實足以寶茲一室是故庭中之桂子蘭荷悉如仙家之瓊花玉樹竝看雲仍發軔杼縵封於錦軸圭璋特達疊寶誥於

光緒壬午重修

盈門浣溪之五桂必然重發祥於剡川宣獻之鴻猷
自爾再輝颺於玉牒此非予之阿言實有知其必然
者謹具數言遺式後裔

皆

皇清雍正己酉歲陽九黃鰲之吉

府學庠生新昌俞大道頓首拜撰



姑岳翁黃公暨姑岳母夏老孺人合傳

譜有傳文傳其實也事惟親見行惟久常乃爲實至而名歸斯得信今而傳後姑岳翁黃公諱承法字俊生號靜庵行顯世三惟才公之長子也余庚寅贅岳家先拜見姑岳母夏老孺人見其儀容偉然衣裳飭然語音朗然舉止肅然心竊異之曰此其爲女中君子歟未幾而姑岳來會但見其骨清其神爽其氣宇端凝其丰姿灑落又心竊異之曰此其爲隱君子之流歟閱歷期年又不爽至癸巳歲延余西席更不爽夫乃給慨然曰誠哉其爲賢夫婦也方姑岳始分居

光緒壬午重修

時田僅數畝屋僅數楹耳姑岳沉靜篤實勵精治產
課晴問雨宜原宜隰另具謀畫智農勤農兼擅其長
斯種植倍獲於他人而天工可代以人事更得姑岳
母才智性生相夫啓家脫簪珥易粧奩不憚艱難自
甘澹泊時有外侮輒全心協力以禦之雖有匪人莫
之敢欺也如此而日新富有漸履豐裕宜也又何倖
耶不但己也太翁贈以奩產一十畝屢資所爲每囊
不逮又能增益而絕無驕盈一惟樸素之是敦而勤
敏之是尚如此而恆久不已夫倡婦隨焉勉同心家
道又安得不興乎至其奉事雙親甘旨備進定省溫

清寒暑無間故二老常相顧而歡然曰冢子冢媳勤儉若此孝敬若此吾宗其必有昌大也姑岳有弟庠名魯更友愛之弗替姑岳母於妯娌間更善處之絕不用有詈言詬語致乖手足夫一門之內孝者孝友者友耕者耕讀者讀內外整肅男婦雍和庶民之家可不謂休哉且夫婦二人同喜修捨並樂施與宗族鄉黨多沐周卹而性尤愛風水當夫歲晚務閒請師遍覓得非全美更圖其上今所卜萬科山藏風納秀正其佳地也自葬姑岳後日新月盛非其明徵歟生一子一女子庠名琮是余保結遊泮女配樓名登國

學長孫良佐選入成均孫及曾孫林立堦前此其歷
年久而余所親見者也嗚呼姑岳去今已一十餘載
前仙逝時固非凡較今之田園愈加增廓矣今之大
厦另建寧居矣今之子孫疊取功名矣非姑岳之有
爲不能開創而非姑岳母之內助多賢始終不懈其
又何以相乃夫子翼若子孫哉實至名歸信今傳後
斯其選也余忝附至戚知之甚悉爰率筆搆此以昭
示來許云

浙進士特恩揀選文林郎愚姪堦鄭彥頓首拜撰

處士承良公傳


邑之西村有富順者張與黃聚族而居余先秉鐸其地見里之人敦仁讓榮樸素秀則歸學樸則歸農人無遊惰蓋有仁者風意其中必大有人在焉訪之張子乃爲我告曰噫近今來未之或聞先有黃姓承良公者真古之人其行事類皆正直剛方閒與鄉人虛對讀書人卽勉以立上達志陶侃分陰毋蹉跎遇農夫輒勸以克勤克儉乘時播收毋怠荒子則教以孝弟則教以悌終日侃侃談無非此等事小子後生見者無不俯首帖服間有一二馳驚浮華者望之不敢

光緒壬午重修

近爲族中長是是非非無毫末偏自有黃公而俗漸趨於淳公雖謝世數十年至今聞其餘風焉噫晚近來未之或聞而必於古人中求之也余假館十餘載各如所云無異詞竊思夫公以實行而轉移風俗至久不敝人特不自修耳誰謂此事必異人任哉若是而稱曰鄉先生沒而可祭於社者其在斯人歟公令嗣三淑女四長君述先公篤實端方年臻杖朝仲迪先出繼弟承德爲嗣季宏先公皆爲仁人君子目前孫曾元均忠厚老成是所稱積善之家後世必有食其報者向願未知公卽外兄沈廷聞之外祖也時以

族修宗譜告竣欲爲追表其事而乞言於余余方恨
生晚不得接見顏色爲幸愛慕之餘時眷眷未有忘
爰述其所稔聞於張子者而序之以爲後之輯軒採
風俗而登於史冊焉

邑庠生頑仙商殿颺拜撰




黃氏宗譜

卷三

光緒壬午重修

三才木堂



越翁先生行讚

黃公諱承豪字越生號爾傑秉性賢良處已接人有禮爲人正直往來然諾無欺金石同心有耕鋤如賓之雅長幼合德有荆感無分之誼賢昆契如金玉令子美似鳳麟玉樹森森克繼當年五桂書香藉藉將開異日聯鑣此皆德之所致福有攸歸也公之胞兄承英公予之岳父也博聞強記畱心地理有郭璞之名無出以嫡姪榮先爲嗣甲寅秋黃氏家譜開雕展覽之下見有標功勳於王室傳理學於聖門庭闈篤孝海宇揚名代有名人指不勝計於是知源遠流長

岳父之醇謹老成不亞於越生之渾穆者洵非無自
云

嘗

皇清雍正十二年甲寅李秋朔旦

邑庠生姪壻裘 綱頓首拜撰



旭如黃翁行略


恩貢張燾

翁諱明先字旭如秉性耿介不苟同於流俗質尙樸實不喜炫夫紛華其奉親也不懈甘旨事兄也克敦友恭待猶子如己子撫育婚配罔不周畢教子以美方謹遵庭訓皆歸正道中年斷絃守義不續此誠人中之傑堪爲坊表者也翁素嗜酌卽傾斗而不亂雅好碁雖竟日而無倦假開張以嬉遊嫺醫術以濟世不斤斤於錙銖種草澆花安閒自在所云隱君子者是耶非耶然又非一味清高不諳時務者凡遇族黨公事則挺身擔任及有不平之舉必抱公伸理卻又

光緒壬午重修

三夫木堂

和易近人非專尚激昂以戾俗也予三兒爲翁子壻
故得約略其行以著美非好諛也表其實耳



琮翁黃老親翁傳

余怪世之人有同父而等諸異姓同宗而視若塗人者未嘗親翁之顏薰翁之德卽翁之行事而一思之也翁係俊生公子也單傳翁一人諱琮字可宗號尊先邑庠生也生而誠篤少年有老成風好讀書披吟不絕寒暑比長以親年近邁未便身任家務翁鼎力而恢擴之廣阡陌美奐輪洵得陶朱倚頓秘術而孝以奉親和以處族喜排解樂施予種種善行不勝殫述翁惟次第行之而慕翁者以爲此猶其分內事也無足異所異者翁有養兄一人名助先暨邑州姓人

光緒壬午重修

翁視之不啻如同胞然乃父俊生公在日以助先既已撫養婚娶嗣後撥產分肥只許管不許賣堂產亦不得輪值諄諄遺命訓之再三翁遵父囑授產一十五畝地貳井園一個屋二間慨然予之略無吝色助先死子良盛甫六歲翁育養之如己子聘娶吳氏生三子立業成家向非翁之培植而何以至此夫乃知翁性仁厚雖非同宗而友愛而周恤之者勝如同父而世之連枝骨肉肥瘠異視參商各處者聞翁之風亦可以少媿矣胡天不弔年未及艾而終天道之報施固如是其不可憑耶雖然不於其身必於其子孫

自古有明徵矣嗣君二長延贊次廷參皆身立成均
孫六人繩繩濟美書香競振掇藻采芹將來雲衢
翮指顧間事耳孰非翁之厚德積而流之者歟書曰
積善之家必有利慶蓋於翁信之幼嗣君廷參余之
堂妹丈也余知翁之生平最悉會逢輯譜之餘敢出
俚言以表翁之行述於萬一云

皆

乾隆三十五年歲在**庚寅**季夏中浣之吉

歲進士候選儒學魯晚生張鈞勇拜撰




黃氏宗譜

卷三

光緒壬午重修

三才堂



外祖述翁大人傳

傳者傳也傳其人也人有可傳有不可傳不可傳而傳揄揚無益可傳而不傳厥德弗彰余外祖黃氏諱述先字顯文幼讀宣聖之書長務神農之教孝親敬長出自性成立身行已俱屬天真衣冠有古樸之風禮貌無佻僇之習言法言行法行不侮鰥寡不畏強禦鄉黨間有爭競者明其曲直片言卽服閭閻中有貧苦者周其不給已財勿惜素履坦坦能絕不肖之心偉節勁勁知鮮近今之慮蓋落落有古人風外祖母張氏系出名門閨內則習禮法敬事舅姑力相夫

光緒壬午重修

子隣望目爲女中君子一女卽余家太孺人賢不勝
述子二長母舅良浩才德出衆甲於一方肄業杏林
不負良相之擬次母舅良漢樸誠有餘克紹前業德
重碩彥年臻杖朝夫婦齊眉諸孫繞膝

聖天子榮封錫爵直指顧間事至若克勤克儉家中
資財日裕置產業建宮室後裔可享其成日施茶夜
施燈行路共受其惠人每以此交羨要不足爲外祖
重其齒德並尊福壽兼隆誠非易觀余故自忘空疎
率筆而爲之傳以垂不朽云

邑庠生外孫陳宗器頓首拜撰

處士宏先公文


昔先王之導民於善也鄉無缺政飾喜者三物飾怒者八刑而州長黨正又復日夜聽治爾時俗皆近古自世教衰人不興行競浮華逐靡麗居塵世而求一古道足風真誠醇謹可以示磨厲崇挽救者卽學士中曾有幾人哉黃宏先者氏傳江夏號稱盛族其先人之積善砥行載在榮乘不可悉數公乃吾母之舅氏吾之舅祖也歲時往來間多親炙其芳範公秉性正直宅衷仁厚居家克儉與勤行已惟恭有禮至若臨財嚴取與重義如季布剛規如彥方聞人有傷厚

光緒壬午重修

語卽論之於道躬耕自樂絕不涉戶外事處里黨間
抑抑自下寧人負而未嘗有負人事至老不見長吏
面居常戒子弟輩曰非有過人才寧刻鵠效伯高毋
畫虎效季良也其恭儉下人之聲稱公雖辭世有年
至今嘖嘖人口不衰表舅氏二長良泮慷慨正直次
良潤小心謹慎能均式廓前猷何莫非舅祖之義方
有訓也公之行事卓卓若是設起先王而慎選端人
焉其殆所謂州之長歟黨之正歟此豈非古處自敦
而賢豪中難其人哉時黃族譜將告竣母舅沈廷彥
卽舅祖之子壻也屬文於余余竊慨夫世風不古想

見舅祖之爲人有超越庸流萬萬者夫古有匹夫而
化鄉人矣使用公之道以變今之俗黜華崇實歸真
反樸當不獨鄉之人有賴焉爰不憚固陋約述其生
平以荅所命使愛公慕公者得考實錄云

表外孫庠生璠田錢世瑛拜撰



斯九公暨配陳孺人合傳

余自戊申秉剡鐸於其間之奇品懿行必覩縷誌之
將以使凡爲士者倣焉嘗出城西行四十里號富順
鄉山川明秀土田膏腴漁讀樵耕怡然自得是必有
異人處也其時父老告余曰黃氏曩有太學生斯九
公者真奇傑士併德配陳孺人尤多懿範焉余細訪
之知公諱佐號廷贊才識過人爲一鄉謀安全至周
且密村北多水患向立晏公廟以慶安瀾後年久崩
頽賴公倡捐重新復糾會置常任田拾畝零以縣歲
時祀典如公行該總不離乎慷慨急公皆近是公辭

光緒壬午重修


世孺人經理內外二十餘年廣增阡陌大煥門閭俾
後嗣蒙業而安垂裕無窮且其志遠大時助諸幼童
憲勤讀銳取功名又數樂善好施比隣待孺人舉火
者不下數十家非巾幗中之難能而可貴者乎迄今
孺人往矣厥子三或補臬司吏員或享遐齡贈迪功
郎或援例入成均孫曾亦崢嶸露爽有德者天必佑
族之人猶稱道其事不衰余歸而忻然曰是卽所謂
奇品懿行也古稱陰陽合德梁孟之芳徵劉樊之仙
侶公與孺人始其流亞歟日思所以形諸楮墨而無
其由適浣水纂譜公長孫岐山爲邑諸生來學乞序

以爲後裔法余不忘父老語耳燕焉故能詳也又烏
忍以不文辭哉是爲序


嘗

皇清嘉慶歲在重光協洽宿月下浣之吉

剡州外史古麗州周咨詢拜撰



光緒壬午重修



文翁行誼傳

黃翁諱文者係乾公之二世孫實輝公之令子也翁
夫人樓德協坤貞生子三長啓榮次啓富義方自領
而幼啓忠尤穎悟過人與纂宗牒二女可云相攸諸
孫輩亦挺然玉立是皆翁以德獲福方興未艾也余
得綜生平而述之翁自幼達家政助父創業誠總角
時裕大成器焉比及弱冠日用飲食寧樸毋華寧儉
毋奢逍遙畎畝間行吟澤畔宛似懷葛之民諺云濁
世真士惟翁當之至壯與強仕日待人接物則更有
異與富者處無譎容與貧者交無驕態殆善學端木

光緒壬午重修

氏乎約信近義言固可復然諾不苟財亦能輕殆得力於仲氏乎常戒子弟自處處人宜善畱餘地不可仗勢盡行亦不得負財自露操云寧使我負天下人不使天下人負我翁殆卽其言而反之歟余先祖就館三十餘年知翁最悉後年適居家屢稱道以勗余不然余與翁生異時居異地亦安能綜翁之生平一
一詳述其梗槩聊爲家乘光哉

龍飛嘉慶辛未年季春吉旦

邑庠生瞻山張炳拜撰

敬述先烈文

夫子孫莫不欲表揚其宗祖矣顧必倩學士文人搦
管爲之雖興會淋漓詞條豐蔚大抵阿諛之譽多耳
孰若子孫自述情至無文爲實錄也我 顯祖太學
待贈徵士郎斯世三公諱輔字廷參材質天授至性
過人少孤失怙與伯祖析爨時甫十三齡孝母敬兄
依然天性全賴太祖母維持家務德配祖母張氏瞻
山明經旌若公女慈孝兼優與祖守成創業以是得
素封焉祖長慷慨有大志賦性倜儻偉濟人之困扶六
之危見義必爲見險不避恆積財數十里山名馬

光緒壬午重修

槽崗蜿蜒迴環矗出雲表望氣者以爲夜冲牛斗江
右巨商奉 憲開煽銀礦居人甚憂之蓋是山非止
一鄉保障實爲一邑屏藩遐邇洵已騷動重以 憲
令莫敢抗惟焦思待斃已耳我祖談笑自若座上客
常滿有智計高深者創其謀祖斟酌而定之復不惜
重貲往呈 大憲情詞慄慄司府爲之動容輒更前
令出示諭禁至今勒砥山岡永垂不朽祖雅好儒術
居常勗子弟以折節讀書邑中捐置鄉試路費田卹
慨捐路東坂一百十七號四田三畝雲土名雞籠坵
以惠士林又旁通曲藝令工倕製一器必出自新裁

罔不精妙子三人長春二十公英年爲邑廩膳文詞

壯麗書法工雅善寫牡丹能爲剡西重望次春廿八

公卽

鏡

父列成均嘗遊幕南閩當途者甚契之幼春

三十五公疏狂遜世祖母得享遐齡皆叔養之力

鏡

弱冠祖與伯父相繼逝父執

鏡

手而悲曰汝祖多樹

德宜獲報我始祖尙書合始則扇枕事親繼則詣東

觀讀未見書爲其才而兼孝能揚名以顯親也今後

唯汝念哉

鏡


泣而志之不敢忘幸賴前人餘蔭少遊

庠卽食餼方期置身雲路上光宗祏不料中道坎

屢困闕屋嗚呼已深負前人之屬望矣茲當講牒告

光緒壬午重修

竣使前人倬烈湮沒勿傳是又罪之至大也夫
龍飛嘉慶歲在重光協洽又宿月朔嫡長孫軒鏡述
於芳桂堂之譚局



姑丈廷泮翁行述

禮云至敬無文父黨無容言乎尊親之前恭肅在心
不以虛貌飾詞爲也吾於姑丈何獨不然今率筆而
爲傳贊要亦本實意以紀其實行非敢漫爲侈陳者
矣姑丈諱良泮字廷泮行斯三十八姑祖丈宏先公
之冢嗣也吾之伯曾祖守璉公爲姑丈之外大父伯
祖永武公卽姑丈之岳翁也世有親誼人無間言至
今從父行稱姑丈之品槩卓然在耳姑丈生而穎異
歲時來至外祖家舉動端莊言辭慷慨識者知已成
爲偉器宅相之稱豈虛語乎吾伯祖是以重其爲人

光緒壬午重修

復聯秦晉之姻焉長益狀貌魁梧行談卓越表表於宗族鄉里間藝黍稷則孝以事親隨杖履則悌以敬長聯棣萼則友以待弟大端洵無所虧矣卽其嚴氣正性不苟同平儕俗人皆憚其剛介以爲凜然難犯顧正直足以服衆非若朱家郭解之流游俠慆悍者比也至於躬秉家政崇節儉黜浮華務勤劬儆游惰業遂日新月盛能式廓其前猷此固由姑丈操持之力而姑母亦與有勞焉舉丈夫子二長啓龍次啓鳳皆恪遵義方從遊太學有邁衆超羣之目二女一適求二適金得佳婿而有兩甥固慶溢門楣矣孫六人

列成均者有四其二則習舉子業將來學治探芹蟾
宮攀桂拭目俟之而且曾孫秀發方興未艾是我姑
丈之光昭前烈垂裕後昆皆實行所致因之享遐齡
彰令望名聞郡邑德重賓筵非幸也宜也吾亦傳其
實行而已敢有虛詞乎哉


昔

嘉慶乙亥律中應鐘上浣之吉

廩膳生內姪夏沛霖頓首拜撰



光緒壬午重修



良潤公行傳

江夏文強公忠孝開基閱五十四世而公出焉公諱
良潤字增富行斯四十七顯廿五毓初公孫萬三十
四宏先公幼嗣也公貌魁梧質性剛毅不欺弱不畏
強是非曲直一衷於理嚴正持己和藹接人人由是
不敢犯亦不至怨躬督農桑早暮弗辭勞率子弟樹
藝教以方循循有序積數十年辛苦始而微寒者漸
慶小康拓基建監輪奐聿新置阡陌以承祀事囑遺
永守計密且周復立書田俾子孫奮志螢窗名列實
宮者膏火之費善端甫舉天郎報之長嗣啓閨之次

光緒壬午重修

子仁功採泮芹焉公酷愛詩書文人學士造謁者備
極珍重予邑呂公增廣生飽學端儒赴館經富順公
必止宿焉歛曲殷勤論古今得失纖毫不爽呂公嘗
爲予道及予因知公之賢超出尋常萬萬幸未春公
嗣仲君啓聞季君啓閱聘予西席課子姪仁元仁和
讀時公已辭世二君禮儀周至仁元仁和輩舉止動
容有則小子具成人氣象予肅然驚何風範之美善
乃爾詢之弟子曰先祖遺教也始恍然信呂公之言
不謬久之與里中縉紳先生遊談及黃公皆嘖嘖稱
羨不已益恍然信呂公之言不謬而弟子之言有徵

也。竊念公之深仁厚德，後必有達人適黃氏宗譜，重修闕二君乞傳於予，予自維謏陋，文不足傳公行實，足以傳率筆而書之，或藉公行之傳以傳予文也。幸甚，遺囑附后。


昔

龍飛嘉慶辛未仲秋吉旦

新昌後學俞應儀頓首拜撰



光緒壬午重修



鄉賓啓淋公行略

己亥余館雅軒齋淋翁長子岐山來學余與翁交最
久嘗熟識其爲人迄今秉鐸婺州適黃氏會修家乘
岐山罔辭道遠造謁請序余素不喜譽人顧秉直筆
以闡潛德庶得其公與是乎翁自少而壯壯而老持
已質潔近古不具論論事親先意承顏靡弗至恭兄
友弟有古姜肱風其敦倫有如此者教子因其材秀
者務學樸者力田且女從姆訓婦主中饋莫不各就
其範易曰婦子嘻嘻悔吝而翁知所戒其正家有如
此者若鄉公而恕不因熱而附之不因寒而鄙之豈

難解紛比鄰泯相煎之釁卹孤矜寡同室免何恃之
傷詩曰剛不吐柔不茹而翁能取法其嚴肅慈惠有
如此者美哉處叔季而爲人若是當必克昌厥後矣
翁細君樓正位乎內生子四一入膠庠一列成均其
餘宛如老農老圃女二淑配各門孫六七人嶄然頭
角皆翁潛德所致可以信今而傳後者也如有所譽
則余豈敢

昔

嘉慶辛未年仲春月

金華府復設訓導張基臺拜撰



左修職郎黃公文松先生傳

廣文黃君永修予中年契友辛亥秋重修家乘督理其事以知皇考之深莫如予持行狀乞予一言表先人德予曰唯唯予館君家四載先大人待余優一切嘉言懿行歷歷在目余嘗欲筆之書以爲家子弟法而未暇也今日之請正愜余意奚辭謹按行略次第敘之公諱啓聞字文松行春四十九文強公五十五世孫良潤公仲嗣也公生有異資讀書日千餘言家故貧年十二失母恃承父命輟讀就耕稍壯理內外事以幹聞良潤公嘗云松兒外出一日不歸吾一

不樂見愛若此知公少能負荷有過老成者矣年四十九丁父艱先是去宅數里許有山曰萬科良潤公信青烏家言得之薨衆口紛紜羣以是爲吉壤公不可曰相此地必不吉卽吉隣塚纍纍忍病人以自利乎議遂寢踰十載餘卜葬於陳塘坂搗臼并公之置此田也非爲瑩兆計歸公後談形勝者咸以佳城譽無意而得福地時人以爲公厚德之報公篤孝友父病侍湯藥晝夜不解帶數月葬父以已域附其側曰九原有知使吾得常依膝下也與兄弟析爨田產器用悉讓受悲居與季弟隔一間凡有異味必招共嘗

談笑自樂不離晨昏至白頭毫無睚眦隙長女適應
姓壻鶴九勤學士也窶空公力仗之名列膠庠次女
適任姓壻不務恆業諸甥無所依公揭其全家收養
俾成立三女適俞姓家無分產公贈奩田十餘畝周
以器用無缺惟四女適張姓無掛慮公持已方直處
世雍和深得張公忍字訣人或以非禮干公大度置
之絕不與較間有抱憤來愬者公婉言曲喻無不渙
然冰釋年七十府學博廉公長者賓之鄉上其行於
大吏贈額曰品行端方洵無愧矣公起家力穡而語
好讀書三十五分炊三十七廣文生甫就學卽建家

光緒壬午重修

塾延師教讀擇從弟子佳者共爲策勵踰數年廣文
與嫡從兄仁功仁元並採泮芹公志益奮曰讀書必
期上達建功業留百世芳始無負祖宗望豈博一衿
已哉庚寅聘予課其孫教廣文就傳孝廉鑑湖先生
門鄉試歸卽持其文示予公生平未嘗習舉子業而
喜閱時藝每出已意論文章得失時有令人首肯者
間或朗誦前元魁墨衡獲雋程式曰兒文似不及也
予大奇之援古徵今往往於天人相係禍福相關之
處達前人所未達足補傳註之缺余益奇之知公於
讀書一道非特志之篤抑資之有大過人者倘得處

年從事其識力所至當不知登峯造頂何如也道光
乙未三月二十一日卒易簀先時呼肩輿迎門我將
去噫聰明正直生則爲人死則爲神信其然歟并謂
子曰吾年踰古稀四代一堂死復何憾所未慊者汝
屢試屢薦未售不知何日得仕耳勉之勿懈服闋廣
文負笈肄業敷文書院從山長陳鍾麟前輩遊忍功
名難卜援例入貢候補訓導分發浙江試用冀得委
署先慰父靈再赴棘闈自戊子至辛亥一十餘科力
戰不衰承治命也村有董姓者家貧債富欲鬻媳以
還廣文竭力周全負已者讓負人者持錢代償僉某

光緒壬午重修

養母無資鬻妻袂將分舉家哭哀甚廣文聞而止之
贈以錢穀并囑子共助焉戚胡氏年少守節兼以孝
慈稱饗殮無繼廣文周恤十餘年胡氏卒賦詩徵挽
諸名士和之不下數十請旌邑尊收孤於家撫養成
人娶錢公女以妻皆遵公遺教公最憐饑溺廣文善
繼先志道光二十四年夏剡西水災巨浪浸天如排
山倒海而至金潭適當其衝屋不壞者百無一二男
女漂沒八十三口廣文憫之與太常寺錢公捐已金
數千率子廷梁往撫存亡兩感 上憲以其義聞於

朝

天子大喜格外褒嘉命紀廣文大功數次廷梁出力
錫予九品職銜公其有靈應快然欣慰歟甲午冬予
以老辭歸公肅衣冠送之依依不忍捨握手訂後會
未週一載而公訃至幽明已隔聚會無期矣竊維公
之神明已杳予老且病安克久存黃泉路近當亦會
公不遠茲八十有七猶靳餘生者以知公莫如予公
行未傳予不可去今而後可無憾矣公享年七十有
三父以子貴例授修職左郎德配董君早逝良淵公
命葬於萬科之麓繼孺人張賢有德遠近稱之予一
孫六元孫五玉立森森青雲直上廣文年甫服政行


光緒壬午重修

三夫相

將恩沐 天府
綸誥頌殞予拭目以觀揚輝於史冊

皇清咸豐元年桂月 吉旦

癸東學弟胡 雅拜撰



敬述叔父文

叔父諱啓開行春五十九先君子胞弟也持身恭謹處世溫 and 先大父寢病侍湯藥不少懈薨殯村外三里許廬墓二年餘寒暑無間性友愛昆季三人食同案寢同榻後因食指繫衍不得已析爨然猶食息起居不離晨夕怡怡然一如未析時也生平最愛讀書與先君子暨叔啓鳳公共延師課修輩二十餘年無一日不至塾待先生忠且敬教弟子寬而栗修自束髮受書凡一言一行具蒙叔父教獲益良多當是時聘石城孝廉甄仙洲夫子主講里中有東邑友某年

光緒壬午重修


少知文歲歉輟學遊嶽思改業習會計叔父得其情
勸之讀次年授館訓蒙士學俸足以自給併爲請業
於甄甄憐其貧愛其才不受修脯而陶成之逢試勸
同人助資斧後遊東邑庠學品兼優爲士林矜式族
叔某家貧身故遺三歲孤親戚無可依叔父撫育之
俾成人立業焉孀氏元配張無出繼孀氏錢善事翁
孀先意承志理家政井井有條叔父嘗臥病三年孀
氏給參藥無缺而產業且增其式廓以故先大父器
重之舉昆仲二長兄仁風以岐黃術濟世貧家不受
資起死回生者往往有之子二孫六皆頭角崢嶸仲

兄仁元邑庠生性質直作文喜規撫先輩不厭俯察
時樣所交多知名士三子二孫俱樸誠可愛次子珏
韶字玉馨考名振聲從邑廩生裘鐘夫子遊莒年入
泮文筆清剛書法端楷所造未可量實吾家後起之
秀要皆叔父之所畱遺也修忝列廣文下棘闈者十
有三矣所恨屢戰屢北不能慰叔父於九京茲當修
葺家乘不敢有溢美之詞惟據實以誌叔父之行略
云爾

龍飛咸豐元年

姪永修謹識

光緒壬午重修



貢生鳳翁先生傳

予秉鐸剡中與先生交最密甲午冬先生訃至予悚然驚爲悲淚者久之踰三載丁酉幼嗣君理中持行略丐予序予與先生結契不下十餘載文先生者非予而誰不敢以不敏謝焉先生諱啓鳳字鳴岐行二系出江夏自漢尙書令文強公以經術起家闔四十一傳至玉玟公由穀來遷富順其間文人蔚起詰士迭興瞻望典型曷勝景仰先生則玉玟公十五世孫也嘗年卽姿稟岐嶷狀貌英挺早爲尊大人廷泮公所鍾愛謂此子語雖期期如周昌異日成偉器者必

在是稍長彌祇恭服勤不辭觴豆受惡最難得者從
夏太君慈命析產伯兄鬪得瘦土先生甘遜以膏映
人以是稱先生友讓可追蹤魯直云其材識練達每
有籌畫如燭照數計而施卜因茲增其式廓阡陌雲
連堂構霞蔚富同陶白授例入太學以明經徵得佐
司理牧然先生以乃祖經術傳家當無失故物子姪
輩束髮授書輒延各宿主塾待之忠且敬束修恆倍
蓰於人遇課期必親至塾監督爲東道主極豐腆使
師衡其藝而甲乙之出楮墨犒賞以相獎勵同學寒
微者兼助膏火資以故子若姪接踵登官書美騰

至今都人士猶嘖嘖稱道弗衰黃氏舊有宗祠歲久
將頹先生集族中幹達議葺鳩工庀材樸斲丹牖煥
然一新纂修譜牒捐百金爲族人倡身爲董理校刊
無遺力先生可謂尊祖收族哉他如成輿梁砌道路
賑匱乏樂善好施殊難枚舉待親戚交遊尤慷慨坦
白有紛難出爲排解無不帖服時人比之魯仲連有
自來矣至於閑家有則一遵文強公家法行其庭嘻
噓無同元配沈孺人舉一子仁惠續配馬氏性幽閒
善襄家政井臼親操奉九旬邁姑甘旨非手調不敢
進不速客來供具能頃刻辦生子理中飲食教誨視

光緒壬午重修

沈子無少異此雖孺人之賢淑亦由先生刑於之化
物恆並飭以致之宜乎長君從遊璧水次君翔步泮
宮皆磊磊落落疎財仗義紉有父風也憶丁亥小春
先生與孺人大裘雙慶予若孫介眉晉爵綵舞繽紛
凡屬知交靡不敬祝康強予曾集詞壽諸錦軸緬茲
盛會如在目前今其不可復得矣略舉俚語用副嗣
君之請并以誌予交契有素先生有靈不笑予諛且
陋否耶

道光丁酉三月上澣之吉

年家眷弟廉縣學教諭葛星垣拜撰



敬述宗叔忠翁行略

叔父諱啓忠公行春五十二伯祖良文公幼子從父命承良一公祧公祇父恭兄敦宗睦族遠近無間言與先君交最契朝夕過從談古今忠孝事壘壘不倦先君嘗謂余曰叔父長者一言一行皆堪爲後生子法余謹誌之不敢忘嘗憶嘉慶年間族建宗祠輯家乘兩事並營越三年而告竣公兼襄其事建宗祠則鳩工庀材不遺餘力輯家乘則正名定分殫厥精心急公緩私三年如一日都人士恆嘖嘖稱道芻蕘吁予因之有感矣嘗見世之營私殖貨者上思光前

下思裕後百計圖維長憂不足漸至建大厦置良田
人皆羨之慕之已亦謂謂自矜一旦遇小利害若履
春冰若蹈虎尾身將前而且卻口欲吐而仍茹粹有
蠅頭微利無論祖先血食親戚膏腴顧利而不顧義
處之若昧焉者聞公之風其亦可以少愧矣孀母張
幽閒貞靜勤儉持家生三子長仁洪次仁浩創家立
業幼仁治少年老成同理家乘主會計司出納精明
練達而出以渾厚和平洵足嘉焉孫五曾孫三頭角
崢嶸皆後起之秀公之遺澤所留正未有艾也公卒

年七十一生於乾隆二十九年甲申九月廿四日丑

時卒於道光十四年甲午三月廿三日時予也忝
居宗未得悉公之行證爰不揣固陋約略而爲之序

嘗

龍飛咸豐元年歲次辛亥應鐘月上浣之吉

宗姪仁元敬述於芳桂堂譜局




黃氏宗譜

卷三

光緒壬午重修

三

三



黃仁亮暨續配張孺人傳

公諱仁亮字金璋號增美黃氏啓瓏先生冢嗣也公幼狗齋出就外傅姿稟穎異甫成童迫於家計輒棄讀佐父理家政務本力農旣弱冠以幹聞啓瓏先生式廓日增置膏腴建大廈公亦與有力焉其爲人也敦樸素不慕繁華不趨勢利與人交汪洋大度有祖憲風昆玉四人友愛無間季弟仁安異母所出公愈鍾愛後因食指繁衍不得已析爨田宅器皿共相推讓析爨後公卽新構棟宇大其門閭元配氏張清化延盛公女也早生子女無所出時公方踰立年以嗣

續爲重已娶黃邑毛氏爲副室鼓益後續娶德配張
係二十八都惠連公長女有賢德逮下不妬忌視毛
氏如姊妹行毛氏僅生二女張孺人亦連擊掌珠三
慮宗祧莫繼勸公廣置姬侍公以遲速有命遂巡不
果孺人屢爲敦促更置側室張氏期年餘而舉丈夫
子孺人欣幸不自勝撫如己出名之曰珏祥志熊羆
之喜也不數年又舉仲男曰珏禧珏禧方五齡而公
已歸道山矣夫公生平無赫赫之名而有恂恂之實
雖其刑于有道行於妻子要亦張孺人之淑德無愧
螽斯膠木也公歿後孺人支持門戶井井有條與毛

張二氏羣處和集無嘻噓聲鄰里親戚咸稱誦弗衰
珥祥昆弟勤儉立業綽有父風其母儀令善亦槩可
見矣行看孫枝秀茁珠樹成三其昌熾正未有艾非
孺人其曷克致此余故樂爲敘述之以付諸梓而光
家乘云

皆

龍飛咸豐元年歲次辛亥十月之吉

邑廩生袁 鐘拜撰

光緒壬午重修



國學生仁曜公傳

壬午冬黃氏續修家乘予適赴試回過其里與譜館
中諸公暢敘一夕諸公縷述仁曜公行略甚詳囑予
一言以光諸簡予生也晚不及親覩公之儀範烏足
以言傳然如公之品行又烏可以不傳公國學生諱
仁曜字金顯號太和國學生啓龍公之次子漢文強
公五十六世孫也配張孺人閨範備玉內助之賢擬
之桓孟亦不是過公性剛直體魁偉有疏財仗義風
父命承祧啓方公各下因無遺產邀弟議置方正戶
祭田作祭掃等費公有胞叔鳩集春秋會三十八人捐

光緒壬午重修

穀三十石公春放秋收殫心竭力共勤厥役不數年
獲利倍多置產數十餘畝公力居多其仔肩家政規
模嚴肅井井有條明起昏息得柏盧先生要略是以
規模式廓產業恢宏富饒倍於所遺而且積而能施
有踵門而告匱者或爲衣食計或爲婚嫁計或爲生
意捐助計苟無私曲卽慨然與之不稍靳然此猶小
者也其事父母也孝其處兄弟也友其懷子孫也慈
其交朋友也義卓卓數大端列諸簡編豈有媿色哉
公享年八十有六子二珏聯珏成孫三通堯通舜通
振夫人生世上遭際每多缺陷與其壽者或靳其財

豐其財者或乏其禮華祝三多書陳五福鮮有能受
其全者而公獨膺厚實享大年家庭聚順一一皆如
其願非公之福祉曷克臻此余素不文何足闡揚盛
德但公之長孫通堯端方自矢與予爲莫逆交排解
素副鄉望茲復共勸譜事不愧象賢之目義固有難
辭者故自忘謏陋約略而爲之序

書

光緒八年歲次壬午下浣之吉

晚生裘沛人拜撰

光緒壬午重修

卷三

...

...

...

...

...



國學生仁惠公傳

公諱仁惠字安美號愛棠貢生鳴岐公長君也母氏
沈早逝繼母氏馬撫之如已出公亦克盡子職幼習
舉業甫成童見乃父操作多勤劬思服勞以體親心
遂輟舉業援例入成均佐理家政鳴岐公庭訓嚴少
不憚呵謹立至繼以鞭撻公小杖受大杖逃嚶也作
孺子泣其天性然也善懋遷商販於武陵姑蘇歲往
返數四星霜就道雨雪載塗不辭勞瘁權子母恆三
倍身無私積鳴岐公以中人產而式廓日增漸至富
甲一鄉半由公生殖所致所謂肇率車牛遠服賈用


孝養厥父母者非歟季弟理齋馬孺人所自出公友
愛夙敦三復棠棣不敢忘愛棠之號蓋所以志也家
內煩瑣事悉身任之不以聞於季俾得矢志芸窗希
圖上進每赴試輒同舟往理齋好交遊多酬應公聽
其揮霍不少吝是理齋之聲薰泮水譽噪儒林公亦
與有力云不第此也族衆議葺宗祠公遵嚴命董其
役飭材量食料理周至纂宗譜躬爲校讐不遺餘力
蘇郡閭門之南濠剡與暨陽舊有館舍湫隘不容商
衆苦之公共籌畫更諸爽塏至今客吳中者如歸可
樂卽次無處不誠可謂光前裕後謀略過人者矣惟

性耽麪藥仲楮堯鍾不忍一日離與同祖弟藜齋最
契家居每邀與共飲飲輒醉然與之論事無纖毫糶
糊聞乃父履聲卽肅然屏息醉而不至於亂也惜乎
享壽不永僅四十有六而卒倘得天假之年則老成
而加之練達英銳而濟以和平不更有進乎哉配氏
俞生子珏棟入太學農商並業以幹聞俞先公卒續
配張生子珏金少年醇謹恂恂有儒雅風予與公弟
理齋交最厚因得以知公之爲人茲因黃氏重修家
乘予不忍公之湮沒爰傳其略以授之梓
咸豐元年辛亥孟冬

光緒壬午重修

眷弟邑廩生裘鐘拜撰

三才木堂



修職郎慎齋先生傳

士之品類有二曰才曰德而必以仁爲根柢故宣聖以是設教焉慎齋先生殆卽古之仁人歟先生諱永修字仁和漢文強公五十六世孫慎齋其號也內剛介而外寬厚自束髮受書穎悟過人應童子試縣令葉公竒其文拔置第一遂入邑庠嗣後赴試皆列前茅遵父遺命從元和名士陳厚甫遊文名噪甚自戊子至辛亥鄉闈十餘考屢薦不售而懷才欲試志切筮仕以諸生援例入貢補訓導署景寧教諭履任未數月佐縣令設保甲以弭盜盜風盡息仁者能惡人

光緒壬午重修

先生有焉外此歷署孝豐桐鄉青山秉鐸訓士講解
經義一以紫陽爲宗而栽培寒峻意尤拳拳泊乎解
組歸田拯飢救溺無虛日甲辰秋適金潭水災偕其
戚錢錦城捐數千金往賑之全活無算復倡建義塾
置田以課族人以貧鬻妻與媼者悉助以已貲得
完聚焉生平義舉多載入邑乘而以余所聞仁人之
慈孝採風者猶未免遺漏始遷祖秘公葬鹿胎山湮
沒已失數百年矣先生按圖察訪封其墓丙寅年邀
隣邑及本縣族人數百家立祭田以備春秋享祀經
營數年始就緒焉有姊四人一適應姓鶴九遺媼胡

氏青年矢志先生周卹十餘年并爲之請旌以表亮
節收遺孤撫養成人娶錢公女妻之二適任姓姊丈
無恆業亦收諸甥養之三適俞姓先生遵父命贈奩
田十畝有奇給器用無稍缺壬戌之變粵匪擾後鄉
人時虞不靖賴先生之力以安仁人利溥不其然哉
夫積善有慶於家而仁者必得其壽先生年六十有
九而有六子一女十二孫子夢廷繼香錫乾與孫官
懋思謙履坤均入泮官懋兼食餼其餘芝蘭林立方
興未艾益信天之報施仁人爲不爽矣余於己卯歲
掌教剡山書院履坤從余遊述其嘉言懿行甚悉樂

光緒壬午重修

爲之傳焉

皆

光緒八年歲次壬午涂月穀旦

乙亥舉人浣東朱守誠拜稿

賜進士出身翰林院庶吉士知岷縣事潘 彬鑒定

補傳

又捐學田十畝主設越城公局內歲試科祭奠
載誌勒石因前傳未及謹誌之以待後之修乘者

男 亨謹誌

表叔仁治黃公傳

自古立德立言立功三者皆不朽然博覽羣史縉紳先生猶難言之下此敦厚周慎堪稱克家庶乎其可也而求之晚近亦不數覩余於表叔黃公有深契焉公諱仁治字金惠爲先大母嫡姪今又兩結絲蘿竟成朱陳舊好矣公少性誠樸無疾言無遽色庭堦戶牖之間融融洵洵里黨人恆樂道之比長有幹才卽隨皇父管理塋賑辛亥督修家乘此外庶務皆來公之可傳而可誦者余亦耳熟能詳姑不具論論其軼事早歲公家未裕嘗販米北山冀得餘息以養

光緒壬午重修

親會天連日大雪門外高積七八尺山中窮戶窘甚
 同伴故昂其價惟公持平賴以存活我岷自道光丙
 午以來赤魑爲虐米珠薪桂食指繁衍者每坐以待
 斃公爲畫策救荒一家得紓于難中有負欠莫償者
 以悽苦告公輒憫之焚券而歸家人弗與知也其積
 善陰行類如斯晚年德彌劬心彌下居恆垂示子孫
 一遵婁氏唾面自乾之訓語云歸真返樸終身不辱
 公其人歟學師盛公廉其素行賓飲於鄉蓋將以風
 示一邑豈第爲閭里光也哉德配張生二子早卒續
 娶李行年八十猶康健如常二孺人悉協壺範余尤

嘉公家嗣珏爰和婉酷肖乃父氣象今彙族葺譜力
肩其任晨昏罔懈亦猶行先君子之道也公以嘉慶
庚申九月初八日生卒於同治壬戌三月初一日朔
余忝居戚末自慙謏陋無能光揚大德謹摘詩卷阿
六章之句爲贊一詞曰豈弟君子

嘗

龍飛光緒八年歲次壬午仲冬之吉

表姪邑庠生何煦堂頓首拜撰

光緒壬午重修

三才

諸翁水滸天半點太王平喻冬女吉

告

大章之向瀛贊一歸曰豈敢改乎

余亦欲知末自瀛瀾洲滌滄米對太幹

典中或月時及日主卒然回剖王叔三

原其耳是眷同鞠衣離行水深千之



黃仁淋公傳

黃公仁淋啓運公之幼嗣也天性孝友自少喜樸素
敦節儉父母甚鍾愛之因家窘就傅後卽棄筆硯黃
冠草履借二兄躬耕以養親啜粟飲水庭除戶牖間
雍雍如也見里中富豪輒以白眼相待奮然曰太行
擔土大河作舍人苦不自立耳此輩亦奚以爲無何
昆季分箸公年稍壯力彌健於穡事更加勤祁寒暑
雨晨昏罔間馴致耕三餘九年終會計兼權子母而
利倍蓰不數年而置良田數十餘畝時歟命歟抑列
祖之貽謀善歟要之不離勤與儉近是德配呂孺人

光緒壬午重修

少公四歲恰與公同心同德生二子珏棣珏愷二女
長適支鑑路支秀煌幼適崇仁副貢裘仙槎公以咸
豐六年卒孺人督子力田仍如公在日家中應需
悉遵公宵儉毋奢之訓雖承祭見賓貽請徧嗇弗恤
也以故家益饒孺人置田之數與公相埒今歲壬午
會族纂譜孺人竟染恙日至後疾大漸呼子與孫至
榻前述公之遺命曰爾等紹承祖業必須克勤克儉
無忘先人苦心以永矢弗替焉可言訖而終以是知
孺人之仁愛而益嘆公之教澤長也余與公同里耳
聞目見姑以可信者敬敘其大端昌黎所謂其細可

略者皆不書

書

光緒八年歲次壬午季冬之吉

邑庠生何煦堂謹撰



藝文類傳

續天宗譜


三

光緒壬午重修

三夫木堂

光緒壬午重修

書



仁安公傳

今夫人品之相傳必核其名與實相符實與名相副而後可否則尋常流俗之輩萬無可傳抑亦可以不
必傳富順有黃公仁安者誠有足述焉公諱仁安號
鼎新係啓龍公幼子跡其生平有膽識有才智有抱
負有經猷器宇軒昂局量開拓得失無惑於心是非
無淆其主雖時事多端調停各當世務不一措置咸
宜噫如公者假令特達有機一旦登廊廟操政柄安
有不績著旂常勲垂竹帛足以等量於古大臣之所
爲哉孰意公當日生不逢時但覺出其膽識奮其才

光緒壬午重修


智展其抱負設其經猷僅僅排難解紛於隣里鄉黨
中扶危定傾於親戚朋友間在淺見者必以此爲公
重而不知公之所重者尤有在焉余聞述公之孝者
曰其事親曲得歡心先意承志視聽形聲之外間有
疾病延醫調治躬親湯藥撫摩抑搔夜以繼日呼呼
未嘗不在側其事生也始有穎考叔風迨雙親仙逝
公居憂丁艱衣衾棺槨必誠必備喪葬盡禮其事死
也殆又有東夷二連風若存心正直出言剛決敦宗
睦族作事公平種種懿行指不勝屈迄今閭里間猶
嘖嘖稱道弗衰歲壬午黃族修譜牒令孫通斌乞傳

於予予於是仰而企俯而思不謂謏陋爲不傳其極
槩以見名與實相符實與名相副而品垂不朽云

書

大清光緒八年歲次壬午丑月吉旦

虞貢生周汝韓頓首拜撰



光緒壬午重修



黃仁萬公行傳

公行仁諱萬剛介人也咸豐辛酉十月粵匪擾岷毒
數公村村人大率入山遠避公獨舉家存且曰人貴
盡節豈畏賊乎已而賊至公以不屈死并續娶張氏
一子一女亦同時被害寇退隣人收其尸爲合葬焉
嗟乎合家盡節昔人所悲若公者挺身罵賊不顧身
家雖往古烈士何以加哉公生於嘉慶乙亥年享年
四十有七迄今黃氏會修家乘其姊字長樂悲其苦
節請傳巔末公亦可以含笑夜臺矣

書

光緒八年歲次壬午下浣之吉

樓月慶拜撰

同十有五年今世會新集其後字其樂於其
案雖古餘士於其後字其樂於其
對平合案壽壽昔人祝壽其壽其壽其壽其壽
一千一文本同和知壽壽其壽其壽其壽其壽
靈壽其壽其壽其壽其壽其壽其壽其壽其壽
其壽其壽其壽其壽其壽其壽其壽其壽其壽
其壽其壽其壽其壽其壽其壽其壽其壽其壽
其壽其壽其壽其壽其壽其壽其壽其壽其壽



珏全公傳

公諱珏全性樸訥不尙浮夸其立身處世嘗以古人
自期肯構肯堂立光前之駿業克勤克儉起裕後之
鴻圖而且慷慨好施遇親隣恆多溫潤見貧困不吝
貲財一切善事無不信心奉行洵樂善之君子也內
助宋氏賢而有德惜乎天不予之以壽續配竺氏閨
房靜守事翁姑亦以孝聞宜乎爲善必昌添子益孫
以衍螽斯之慶而乃一索猶艱未有亢宗之子親族
輩代爲阨腕者久之公弟珏楹因兄無嗣以長子通
富繼入公名下公撫之如已出卽以已之產業使之

光緒壬午重修

仔肩而通富果能肇厥篚裘振興舊業則有主祭之
產亦有主祭之人而宗祧於是乎不墜矣予生也晚
不獲觀公之梗槩不敢妄爲之序壬午冬因姊丈裕
森特至予家細述公之生平乃知公之品行鄉鄰素
重予遂不揣謏陋願爲序而付之梓後之覽者庶其
知人以名傳名實以人傳焉

光緒八年歲次壬午仲冬月

邑庠生商起予頓首拜撰

鄉賓黃公式亭先生傳

季秋之望棘闈報罷余鬱鬱不得志棄杭歸由旱道
經富順鎮寄宿張友家而鄉先生黃公式亭之冢孫
乃昇

適至蓋余知名士也相與閒譚久之以族譜將
告竣出乃祖生平行狀丐與一言以傳余自維辛酉
歲試忝冠童軍遭逆氛之變郡停試迺慨然投筆從
戎辦團守禦冀錄尺寸功又不果至甲子仍理舊業
始博一衿今衫履半碎破矣七戰秋風未許展蟾宮
一步吁命可知也聞先生豐於才嗇於遇而坎凜適
與余等故不敢以不文辭而樂爲之傳公諱珏又

諱式穀字金輝式亭其別號也五六歲讀書日數十
行多智略而豪邁之氣又時見於眉宇間每出一藝
不肯縛束如轅下車故鴻文無範多不合於貼括家
以是數益奇家益困而公亦決然捨去願爲不舞之
鶴於村中設義塾招六七佳子弟朝夕訓讀爲消遣
計然而劍氣終騰珠光自耀道光壬寅載英夷入偪
明州浙東大警詔命揚威將軍宗室奕繫斗大金印
倣古推轂禮統率八旗精銳星馳電赴屯軍會稽之
東關其時天下承平旣久民不知兵將驕卒惰識者
憂之先生以劍中布衣度李若水采石之繩決王景

略泗水之策密陳機要洞合時宜將軍奇其言方欲
專摺以聞於朝而當道者尼之雖蒙懸牌獎示以所
陳各法均屬周緻着準存案以備採擇俟有差用札
傳而卒以不用歸嗚呼惜哉向會當日者將軍誠知
公可大用於時辟范瑀於麾下延郝超於幕中先生
捫髯而談倚馬以待熄蛟浦之狂煙收鼉門之奇績
在此時已奈陶潛罷歸彭澤羅隱終老西湖吁命可
知也先生於是廢黃卷啓青囊益肆志於山水間探
禹穴之奇尋賀湖之勝迄今爲堪輿家言者雖遙遙
六十餘年猶能談先生軼事如見其青鞋布襪徜徉

光緒壬午重修

山陰道上也晚年歸家絕不言當世務處鄉里恂恂
儒雅有古君子風配史氏稱內助賢生二子長通翰
次通政能以勤儉起家孫乃昇自幼聰穎長尤好學
名噪邑西行見黉宮桂籍皆指顧間事庶幾爲先生
一吐氣也嗚呼明德之後必有達人意在斯夫雖然
以先生之坎凜若彼而余又若此則是文也爲先生
嘅固不獨爲先生嘅也

皆

光緒八年歲次壬午季冬

邑東廩膳生王乃履拜述



國學生珏棟公傳

公諱珏棟字佐廷又字堯生號松巖文強公五十七
世孫祖諱啓鳳父諱仁惠皆有功於族立有家傳而
能繼志述事克光前業者則莫如公族之瑩資向係
公祖經管公祖歿公叔仁通承管仁通歿族又推公
主政公亦不敢辭出入會計公而忘私如是者三十
年族有瑩山有糧失業與張姓訟縣主斷還山數畝
培植松木今已成林張姓深銜之遂以他事誣公訟
費百餘金因公事而累及其身初無怨言咸豐辛亥
續修宗譜公督理其事至於一切捐貲俱弗推諉凡

有紛難悉爲解排迄今其人已往族人猶嘖嘖稱道
曰如公者理直氣壯好義急公晚近來不可多得其
令人沒世不忘如此公父享年四十有二而卒母俞
氏先父卒遺弟珏樑早世遺妹三皆公爲之作嫁妝
奩極其豐厚事後母張承志無違張母生弟珏金妹
一弟則爲之延師課讀擇配完姻妹未字而卒與弟
珏樑俱立有祭田噫公於家庭之間亦可云大節無
虧矣元配馬氏無出續娶金氏生子通高早世又生
子謙山馬氏生子履漢裘氏生子通秀咸豐辛酉髮
逆竄疎屋舍被焚公與子謙山先後謝世年僅五十

有二家境亦迥非昔比論者謂天之待公亨於前而困於後然而遇之盛衰不足論也古今來賢人君子厄於遇者不可勝數若以是爲公憾見亦淺矣况乎理有循環觀公之行事並公祖父之所爲安知俾熾俾昌餘慶之不在其後耶履漢幼嘗從業於予因族修宗譜乞數言以爲前人光予故據實而書之

嘗

光緒壬午年十二月

吉日

弟張德瑜頓首拜撰



光緒壬午重修

改蘇王平

省

趙宗楷

韓昌

李育

歐陽

同



珽靜公傳

珽靜公字鉅山號仰峯行亮七十二修職郎永修公之冢嗣也四齡失恃後育於繼母錢孺人公自束髮受書日誦數百言文筆清麗爲永修公所鍾愛壯而試途頗梗遂絕意進取謂人生世上貴敦倫常值氣節豈在區區一衿耶涉獵詩史之外惟酒自悞而已值咸豐辛酉粵匪竄境一家俘獲殆盡公憤甚意欲乘尾擊賊以雪其恨遂奮不顧身與賊不相上下者再無乃勢不相敵痛罵一夕以身殉於十月十日辰時奉憲入忠義祠春秋致祭焉距生於嘉慶廿一

光緒壬午重修

年丙子八月廿四日享年四十有六配孫氏另有傳

子正通進通德

乘里皆

光緒八年歲次壬午冬月

諭登奇國通一命卯舉人裘大彭敬撰

煇彰歙縣

受書日

女

在



邑庠生在亭公傳

黃公在亭余岳父也說者以私戚立佳傳未免有溢詞余敢於公而有溢詞哉公諱珽剛字體乾庠名夢廷別號在亭乃漢文強公五十七世之裔孫脩職郎慎齋公之次子也孝友傳家代有令德公束髮受書辯質絮也卽解句讀太岳翁甚鍾愛焉比長負笈從遊所學名師不一而持論日明通秀色溢眉宇人咸以英才目之至縣府試屢冠童軍年四十蜚聲巽序以詩文受知於吳學憲欣歌發軔一時諸名士謂公文英氣勃勃異日登虎榜題雁塔均可拭目以俟自

是攻舉業赴秋闈同治甲子科膺鶚薦幾入彀矣奈以額滿抱遺珠名落孫山殊爲惋惜倘嗣後鑿戰文場再遇知音安知不以文章榮世耶然而公年未服政病染痰喘不能赴省應試而功名之志遂灰當其時樂安閒屏俗務所酷愛者惟醫方脈訣諸書辨膏肓攻腠理因時審藥不過自養其身何嘗爲濟世計晚來年高技絕聲名藉藉服其藥者咸推爲活人手跡其望聞切之法不讓近代喻葉之妙術焉抑聞之百行之原孝居先公奉嚴慈先意承歡善養親志問有疾色乃憂躬親湯藥不煩童僕迨慎其終也必

誠必信有東夷二連風自始至終式禮莫愆公之孝
其殆得於天性者真耶抑殆步前代遺徽而與文強
公扇枕溫衾之事後先暉映耶至若堅剛其性耿介
難通正直其身清高可挹種種行誼里黨中早已嘖
嘖稱道勿衰余勿贅岳母裘孺人幽閒淑慎婦道堪
式生子三女二長女叨慚屏選又續配張孺人勤紡
織主中饋善勤家政行年五旬有**七**嬰鑠如壯時桐
孫三亭亭玉立嶄然已露頭角祖鞭所及發祥正未
有艾烏知數年後不皆騰雲衢驤天路一日千里也
噫今公雖仙逝矣而回想當日登堂拜謁嘗與余同


光緒壬午重修

榻論文杯酒言歡之狀猶依依如昨也今歲冬黃氏
修宗碣余不能文亦不敢妄爲溢詞以誣後世竊願
略敘巔末以載諸乘未知岳父地下有靈厭余之謏
陋也否

昔

光緒八年歲在元默敦牂涂月上浣之吉

邑庠生子壻張汝棠煥桑氏頓首拜撰



國學生行忠公傳

公諱鉦清字廷錫號行忠永修公三子也身長八尺
有膂力能開二石弓家故豐其兄弟五人皆讀書習
制舉業而公獨不屑以爲雕蟲小技非壯夫所爲也
乃延鎗棒師教習武藝參究韜鈴之術凡踰年遂工
技擊便弓馬慨然有立功萬里之志亡何永修公以
明經歷署教諭知公勤幹特以家政付之公由是不
得行其志而援例入粟爲國子學生終咸豐辛酉歲
粵匪猖獗陷邑城蹂躪村疇無虛日公挈妻子遠避
每夜必佩刀獨行至家探其耗已而各鄉糾義勇爲

光緒壬午重修

防禦計及乃偕同志數人晝夜巡哨一日粵匪至手
提刀先馳之當者披靡遂遁去追奔數十里而後反
自是鄉人得無患焉公明而善斷遇事敢爲居鄉黨
喜雪不平往往扶弱抑強雖取怨不恤或遇豪暴人
與之角務出其上乃已治家嚴整有法子弟輩畏之
不敢爲戲遊事晚年嘗貿易子母相權輒獲倍利以
故家益饒嘗與諸昆季議建慎齋公祠功未竟而卒
年五十有三娶裘氏生二子通根通時嫻習騎射尤
有父風云

光緒八年膺月五日 虞曠生雪舫孫瑞文拜撰

登仕郎月溪公傳

月溪公者諱廷梁字珏深又字鉅鑑修職郎仁和公
四子文強公五十七世孫也貌岐嶷性溫厚幼棄舉
子業習經紀頗有端木氏風以故昆季六而二老尤
鍾愛焉嗣後乃父宦遊家政悉委而公無私染是時
與堂兄珏棟同理祠塋合族亦無間言猶憶道光甲
辰年剡西水災巨浪如排山倒海金潭適當其衝漂
沒男女豕人乃父命公往撫存亡 憲以其義聞於
朝給予議敘以示褒榮公勤儉好施濟困扶危美不
勝舉其尤嘉者自粵匪竄岷嶽擄掠殆盡穀石每費數

光緒壬午重修

金公計家食外悉吹爨以濟人一時遐邇饑民賴公
全活者無算到今猶嘖嘖人口不衰噫公之德澤厚
矣哉元配裘氏克循婦道僅生二女而殉粵匪難蒙
恩欽入節烈祠春秋致祭焉娶側室胡氏亦僅生一
女遂以疾卒公不獲已續娶宋氏屢年不育適有鄰
庄某者養兒無資公給以養費今已成入矣未幾又
有棄兒門外莫知誰氏公收養成入飲食教誨一如
己出不數年連舉丈夫子二而公亦不久逝世公雖
杳公德猶存而後知天之報施善人爲不薄也予與
戶昆季爲同硯友每稱述其行訟會修家乘予得約

收誌其梗槩以待輯軒之採云

昔

光緒八年壬午冬月

邑庠生張兆元拜譔



光緒壬午重修



黃薪垞公傳

公諱希敏字通源又字兆陽薪垞其號也貌不颯痘癩如錢著兩頰皆滿與之語口沫欲濺人而性甚明敏博覽經史一切詩古文詞頗能入古人之室幼應試屢不得志有司至戊辰歲徐學使案臨入邑庠旋列高等當是時公年四十一髮已種種白矣而公顧力學弗懈時手一卷凡若陰陽卜筮之術靡不窮究而深索之家赤貧營累日不舉火所居室如斗大雞豕牀竈雜陳一處或敝衣破履至終歲不能易而公處之晏如苟非其義一介不屑也每誦讀暇必以杯


光緒壬午重修

酒自娛量故豪囊有百錢卽出行沽飲飲必醉醉後則談論風發雜以詼諧每一語出輒使人笑吃吃至有捧腹盧胡不克仰面視而公猶繪聲肖象口講而指畫之若絕不爲怪者然衆人一回睨之輒復大笑不止以故稠人廣坐外或別聞哄堂絕倒則以爲陽先生又在耶卽趨入願聆先生丰采轉恐其速去其風趣如此公故珏秀公子也先是珏秀公以其兄早世無嗣卽以公與嫂裘孺人撫爲子公平日事孺人最孝當病已革猶力疾起書遺言奉母書未終擲筆口荷荷呼老母老母而逝

皆

光緒八年陽月上浣之吉

廩膳生壻孫瑞文謹撰




黃氏宗譜

卷二

光緒壬午重修

三才堂

大蘇八平...



附貢生黃君理齋墓誌銘

理齋諱理中原名仁通姓黃氏漢尙書令文強公五十六世孫也幼習舉業歲乙酉與予共執經於蕭邑孝廉長山徐夫子門下時予未冠理齋長予七歲一見卽以畏友目予謂予文筆豪邁當非久羈轅下者交最密甫一年而長山夫子以赴禮闈不果至遂分席然應試必同寓家居旬日不相見必折柬邀聚蓋膠漆不過也遊庠後復共硯於鑑湖家夫子門不半載予以母氏謝世讀禮輟舉業而理齋亦無志上進援例入明經後余以舌耕餬口理齋輒館余於宗祠

光緒壬午重修

三丈松堂

內命子珏信愛業爲東道主供億豐腆朝夕聚首者
三年時理齋先君子鳴岐公已逝世母氏馬年八旬
爲卜壽域於某山之原引余同遊因指而謂曰我歿
後當葬於墓側以待晨昏君等其爲我執紼乎余笑
而諾之不數年竟先母而卒噫是可哀也理齋爲人
慷慨仗義有古任俠風幼乳於兪媪媪故有子而理
齋烏哺終身不少怠族人某與人忿毆夷其左股理
齋出爲排解費白金百餘訟因以息尤善交遊平時
座客常滿樽酒不空以故父喪致客不亞季良而自
素約朝餽暮粥白菟紫茄宴如也非誠雲量覆人

霜儉律已者哉今人席先人遺業厚自享以華廡相
耀及見貧苦親朋踵門告貸曾不肯分雁鷺之餘以
持贈視拔一毛如剜心頭肉甚或忿然作色待告者
跼蹐不敢出一言逡巡自引去矜爲得計聞理齋之
風其亦可以少愧矣雖其平生落落自豪不拘小節
上交恐涉諂媚禮貌多疎見有趨奉勢利者輒鄙夷
不屑由是不利於口然而單寒之士切切依之視彼
上諂下驕世故熟而天真漓或得或失當必有能辨
之者理齋以嘉慶五年六月十七日生卒於道光廿
八年十一月初四日年四十九歲元配氏樓生三女

光緒壬午重修

早世側室李氏珏信其所出繼配范無出以某月日
祔葬於母塋之側成其志也請銘於余余因述其交
契之厚與其善之可傳者以見於余文銘曰 其死
也如生其亡也如存慈幃永侍惟乃佳城旣安且固
以利其後人

皆

大清道光二十有八年十月之吉

邑廩生視弟裘

鐘拜撰



壽序

夏太君八秩壽序

西山挺秀高連天姥之峯剡水流香遙接鮑姑之井
雲璈吹下和春鳥以齊鳴仙醞捧來溢溫泉而恆滿
萼綠華降臨之所代產名姬玉清娥來往之區時彰
壺德恭惟太夫人早歲銘椒弱齡賦菊風規咸奉爲
女師蘋藻夙嫻夫姆教以芳岳之淑女配江夏之賢
郎咏好述者諱云良泮誠是良人稱令嗣者長曰啓
龍次名啓鳳有無 equal 勉鴻妻舉案以如賓蓄旨殷勤
陶母劉薦而召容式觀彤管人誦女宗載繹細編羣

光緒壬午重修

三

推母道蓋國範之克隆爲閨門所由盛靈珠出蚌便
生照乘之光諸女勝衣已擅解圍之技雕龍繡虎本
機上之麗文揆藻擗華亦神針之餘巧真可以軼桓
孟而無慚兼郝鍾而特勝者也憶自于歸卽占宜室
荆釵屏飾守樸素以常貞健嬪持家積儉勤而益勵
孝舅姑則族稱賢媳和妯娌則人無閒言甲週而後
相夫子於賓筵古稀以還策名駒於國學始也春筍
非糧難飼叔敖之子秋蘆作絮聊衣任昉之兒繼乃
率以婦功漸臻美富課厥農事馴致贏餘田園既增
其式廓堂構復高其閨閣恩勤鞠子各策成均士衡


則兄弟齊名孝穆亦昆季並重邠林選得品是停鸞
溫鏡下來才皆詠絮而且門中羣從盡爲渥水之駒
膝下諸孫都是藍田之玉是則筆精墨妙悉推本于
璇閨佩玉垂紳總泝源於珠閣劬書聳午夜將大振
其家聲含飴弄諸孫並欽崇夫壽母茲乙丑端月之
辰爲太君八旬之慶是日也蕙華正茂萱草方鮮筵
前桃實落落千年階下菖蒲枝枝九節金甌濺水都
奉穎谷之羹玉笋傳觴競進餘杭之酒鼓瑟者靈香
稱觥者弄玉嬖女出意錢而至羿妻亦蹴鞠而來謙
於壬戌之秋曾稅華堂之駕觀黎瓊仙之丰姿耐老

知郗夫人之神明不衰幸因製錦以介眉遂矢俚言
而晉爵佇看紫誥華封頌來帝闕青鳥壽籙錫自仙
家欣添壽之未艾莫名海屋春秋羨景福之難量不
數人間甲子斑衣隊裏求觀十賚之文金母堂前敢
效犬公而祝

皆

嘉慶歲在旃蒙赤奮若春王正月穀旦

賜進士出身知縣事年家眷教生沈謙頓首拜撰



夏太君九秩壽序

嘗讀高士傳慕萊子之綵衣誦闕宮詩羨魯侯之燕
喜天倫可樂壽考維祺而况鶴算益年六甲週而逾
半鯉庭捧杖雙丁侍而皆全自非信矜德厚積和順
於鸞闈奚能嘏集襍翹協康寧於鴻範恭惟姑母大
人秉心淑慎曾吞女史之花受教工容卽製天孫之
錦珩瑣修飭無忝閨箴婉婉聽從不違姆訓知素嫻
乎內則克善事夫高堂及歸我姑丈廷泮先生也佳
耦曰配而琴瑟以和祥女人門而僕媪皆喜上盡滌
澗之誠寢門同肅內爲藁砧之助中饋主嚴相夫子

光緒壬午重修

以創業克儉克勤和妯娌以持家不吳不敖鹿豈無
車共仰桓少君之令範鴻真有案羣推孟德耀之高
風固宜慶溢慈幃祥占郎舍雲成五色石麟錫自天
邊懷墮雙鈴明珠化於掌上斯皆姑丈德門之瑞實
姑母內治之休者也至夫破鏡塵生茹荼心苦敬羨
論著逸勞懼隕聞乎穆伯歐母訓傳仁厚必推本於
崇公若姑母者義則兼師嚴還代父悵望夫之石贖
肯百身擇游子之隣廬經三徙長君啓龍璧水揚眉
克副荀龍之選次君啓鳳槐市翔步已躋薛鳳之班
繞膝盡屬佳兒坦腹咸稱快婿而且子婦恰顏孫曾

盈砌綿若葛垂不異瑤瓊瑜珥森如竹立堪同粍木
封胡既蠡斯之衍盛覺瓜瓞之呈祥一堂具慶奚煩
陳李密之情四代承歡正可隆虞詡之養雖六珈未
咏借老而五福已享遐齡矣願或謂交梨火棗餌妙
藥以葆真碧藕冰桃餐神丹以度世絳雪成丸長生
得訣元霜作粒却老有方姑母則情樂含飴性安頤
養杯還浮蟻宜藉胡麻背可任飴無須藤杖况復巾
瓶淨契花水勝綠現八芒於藥水永謝病坊開三障
於塵塗高翔慧燭修德獲報美意延年奚事採紫芝
之精餼丹石之髓也哉茲者

光緒壬午重修

盛世化長寶發星耀二首六身曰亥正逢乙亥之年
八千五百爲春咸慶小春之節獻頌者縱萃而趨躋
堂者黎收而拜莫不進華封之三祝歌天保之九如

沛霖

分居子行諛切梓依扶風堂上原屬從姑直卿

庭前得廁中表向金母以添籌壺凝春酒奏雲璈而
作頌屏澈晨霞憶昔年筵開八秩瓊章曾錫自名賢
看今日圖啓九旬蕪詞用陳於前席惟願恆春樹下
榮盛千秋長樂花邊輝餘照從茲翟芾以朝大家
應有東征之賦期頤非遠百歲還開北海之樽


龍飛嘉慶二十年陽月上旬穀旦

內姪夏沛霖頓首拜撰

眷晚生錢錦山盥手書



光緒壬午重修



太學生啓濤翁壽序

書傳地上佐赤帝以開基政報穎中拔黃堂而作相
南國顯騷人之度東觀宏孝子之恩詩名追玉局以
同高文獻起金華而再美稽諸史策固已代有英流
者矣恭惟濤翁著清門之碩望表仁里於溫泉當剡
西第一之居實江夏無雙之品頤而長焉穆然遠矣
鶴序早登國學鶴算已屆古稀蓋其夙齡卓異懿行
精純板輿奉母晉潘岳之閒居布被依兄漢姜肱之
至性譽自著于一鄉惟敦倫而睦族游已殷於五岳
更嫁女而婚男此大節之無虧爲哲人之先務高尙

光緒壬午重修


三丈木堂

其志幽閒其身怡雲之閣三層負郭之田百畝偶然
垂釣寧殊烟簑雨簪之謠時復課畊恪守桐帽稷鞣
之製此雅人之深致亦瀟灑而出塵若夫葭葦諛切
縞紵情殷撫趙武六尺之孤守季布千金之諾助贊
以完人配偶排難以息人爭端推食解衣之際固聞
義必爲遵規合矩之餘亦非道不悅笑可比河包老
之蒼顏難鬻品還如玉山公之白璧無瑕其晉接之
間且和而有介也至於興廟祠營土木陳平之細心
常帖妥呂端之大事不糊塗有曉夜之勤劬無私毫
之沾染則共服其老成者尤屬翁之能事由是谷神


不渝松齡自致賢傳乎內助梁柔齊七秩之眉秀起
其後賢謝砌挺一枝之樹何莫非刑于之化繼以義
方而有此宜爾之休隆夫鄉曲也哉茲當人懷洛社
之英族開宗譜之局紀人紀事既總理之無慙書月
書年遂觀成之有績爰綴俚句略表芳規雪舟早訪
于當時霜距樂揮於今日付諸剞劂聿增家乘之光
傳及雲仍用待輜軒之探

嘉慶癸酉年桃月上浣之吉

年家眷弟寶齋莫晉謹



光緒壬午重修



太學生文燦表昆壽序

予憶年方幼學隨至從父家賀節見有貌則頎然聲則朗然者心竊異之以爲其人罕觀訪諸羣從兄弟知卽富順之文燦表昆也今予近強仕矣尙徒列博士弟子員筆耕於溫泉里表昆已六旬有五同里中咸稱其品行卓犖老而愈純是誠足爲姑丈之令嗣能高大其門閭者姑丈舉詰嗣二長諱啓龍字文燦方姑丈創業艱難時拮据操作表昆之力居多至嚴親逝世敬奉慈闈益覺先意承志焉姑母壽臻九秩諸親友製屏慶祝鄉邑稱榮再十年而開百歲之坊

光緒壬午重修

表昆正如萊子戲綵以視潘安仁之躬御板輿有過之無不及也洎乎友愛季弟雖分紫荆之樹猶聯花萼之樓田不擇肥器惟求舊其有感於廉讓之風者歟卽處族黨間尙直氣略儀文近乎簡易者所爲而實則惇睦居心每一念及叔父輒曰親親之誼不可忘也悌以事長其在斯乎且爲人排難解紛不獨於本宗爲然外家有事來共商亦力赴其急耳聞不平之鳴傾心助之不畏強禦其剛毅有如此者生平重然諾矜節槩義所當與千金弗惜義所不當與一介必嚴人以是比之季布云若夫建廟修祠造橋砌路

種種義舉口碑載道固悉數之矣難終也元配樓孺
人生有三子長曰仁亮謹厚持重克紹家聲次曰仁
耀遵父命則揆值本宗之瑩從公議則兼承啓方之
祀恩義兩無所負後裔何有相爭者哉三曰仁輝亦
磊落英奇與伯仲借遊璧水續配劉孺人生子仁安
出就外傳已見頭角崢嶸負千里名駒之目他日展
驥足奮雲衢可翹足俟之矣茲因黃族纂修譜牒名
人俱有列傳品望如表昆者又烏可不序其行誼哉
故謹書之家乘以誌不忘云爾

昔

光緒壬午重修

嘉慶二十年仲冬中浣之吉

邑廩生表弟夏沛霖拜撰



廣文黃君慎齋暨配錢六人六旬壽序

紀循吏於漢京政推第一溯名賢於江夏童號無雙
迨自楚北移居浙東著籍安道一廛時溯洄於剡水
右軍牛畝恆游息於金廬鄭家南北之宗俱稱望族
裴氏東西之眷共仰名門方其觸辰玉映綺歲蘭芬
慧能况日靈復知星郭林宗半面乍逢莫罄汪洋之
量陳仲舉一時未晤懼存鄙吝之心宜乎聲儔一覺
名高三舍高豎騷壇之幟雄推文陣之師無如黃槐
屢踏青桂難攀氣縱凌雲身常貼月於是師古式之
輸繙效玉丹之上麥鱸堂振鐸去作經師蟻術陶材

屢權博士坐虎皮而講問字酒來揮麈尾而談束修
羊至扇溘風於茗水庶繼胡瑗沾化雨於桐鄉儼逢
朱邑至於諺篤枌鄉仁周梓里值蠹穴之潰隄駭龍
巢之翻水極目雁磬傷心鳧沒作中流之砥柱采善
若薪渡苦海以慈航揮金如籜戶幸免於爲魚竈無
憂於生黽而且廣列義莊宏開家塾千金集腋進農
丈人而與謀百室鳴絃聘村夫子而課讀遂使看羊
玉育咸霽屨而從師牧豕承宮并掘衣而就傳譬陰
德於耳鳴宜吉人之大相不見夫觥觥桂子婉婉桐
孫六龍競躍九鳳並將腰纏六萬授燕書而能讀豐

盈犀角貽范硯而克傳秀芝蘭應階下行看五世其
昌調琴瑟於房中更喜百年偕老茲當算亥之期作
同庚之香茶衣繞膝鴻案齊眉試爲挾張盛事祓飾
前聞樓跨千年之鶴傳丹訣於祖庭路乘萬歲之龜
振仙風於宗碣看老子之婆娑羨是翁之矍鑠年方
周甲躋堂傾北海之樽契合同寅舐筆效南山之頌

嘗

咸豐戊午春王正月穀旦

誥授朝議大夫知嘉興府事馬昂霄拜撰
誥授奉政大夫知桐鄉縣事戴槃拜書



光緒壬午重修



黃公啓球先生繼序

嗚呼伯道無兒誰守箕裘之緒中郎有女能修六白
之詞他若木蘭從軍釵裙甲冑緹縈救父巾幗鬢眉
古來女子中有丈夫氣者類多孝性天成光前人而
昭史冊雖男兒莫與比求之近今渺難覩矣邑西富
潤鄉有黃公啓球者巨族裔也先娶張氏無出續娶
丁氏又無出僅生一女志妹咸豐間公夫婦相繼逝
世若敖早餒鵠血啼紅庭堅云亡蝶灰飛白志妹乃
憫宗子之就衰痛零丁兮焉託情深反哺忿切無依
爰邀房族黃仁洵等議爲其父立繼奈上徵祖牒空

光緒壬午重修

存東郭之墻近攷祀田已失北門之鑰縱有心於螟
負恐莫遂乎烏私

志妹

則急捐簪珥不較錙銖將啓

球公名下各代塋產已經併當者備價贖回悉歸汶
陽之田俾主泰山之祀而又慮繼子之或失所也并
爲另置己產坐白作坂係七十七號計田一畝五分
九釐九毫作養贍計蓋不如是不足安繼子心而卽
無以妥先靈也用承族議僉以承綱公派孫啓琛公
第三子

一析

堪繼啓球公爲嗣因爲置酒立約撰吉

定繼衆情欣躍喜可知也夫婦人以夫爲家視家

一縷絲一粒粟必欲賺爲己有而不屑少留者不勝

比比今

志妹

不吝所有終以百乃父接宗祧謀進食

嗚呼九原可作應教生女弗悲五世其昌還卜吉人

有後茲當貴族修譜將告竣

志妹

慮其歷久而忘也

備誌顛末丐序於余余因叨附葭葦且深羨

志妹

此

舉與古女子中有慷慨丈夫氣者事雖不同而其孝性天成要已得髣髴一二也故不揣鄙陋爰敘其大略如左

昔

光緒八年歲次壬午季冬

邑東廩膳生王乃履謹序



光緒壬午重修



列女傳

伯母張孺人節孝傳

域中有四大忠孝義外節居其一節難節而孝尤難
節孝而在貧婁更難吾於伯母有感焉伯母系出名
門夙嫻閨訓年二十一于歸伯父仁鈐公敬順無違
言未週五載伯父卒時子珏珍甫四月姑璋七旬有
餘家無信宿糧伯母哀伯父之逝也哭甚氣絕者再
欲卽亡旁解之曰曾有白髮在堂子呱呱泣可從泉
下逝乎伯母不得已理內外事井白躬操紡織不休
婦兼子職以十指錢易饌具粗惡歸己甘美奉邁姑

光緒壬午重修

二十年無怠容姑薨治喪事罄家所有訓子曰數代
血脉止汝汝當勤儉遵祖宗教勿貽他人笑督課農
桑終歲無間日邑尊李公聞之贈扁額曰冰清玉潔
道光壬午採訪使編入邑誌咸豐元年辛亥

上憲詳請旌表佇見綸誥頒宣輝增里黨自堪與忠
孝義並峙域中萬古不朽矣子一孫二會宗譜續修
欲表祖母德問傳於余余不揣謏陋約略而爲之序
龍飛咸豐元年辛亥九月吉旦

族姪藍生氏銍田謹誌

謹誌

黃母張孺人貞節序


鐵性扶人問正氣冰心慰地下孤魂此貞節之所至
并一時可弭而襲也孺人張氏新渥廉維公之女幽
閒貞靜素稱閨秀年二十一于歸太學生仁榮黃公
爲室夫義婦順相敬如賓方期百年偕老不幸三載
未滿而仁榮公溘然仙逝時孺人年甫二十三而鐵
石心腸冰霜節操如古詩所云妾心古井水波瀾誓
不起殆堪爲孺人贈焉儒學葛公星垣採風已載入
邑誌贈以節勵冰霜額茲又蒙 憲臺詳請旌表佇
見 皇恩下逮名列貞砥誠盛事也然而青年矢志

光緒壬午重修


白首完貞苦矣亦可哀矣且吾於孺人守節之外更有不忍沒其善者仁榮公初娶同里貢生允堯張公之女爲元配遺一子祥錦孺人于歸親爲撫養珍若琪璧延師課讀各列成均孫三暨曾孫七咸各教以成立濟濟一堂不愧爲蘭蓀玉樹非甚盛德孰能與於斯迄今孺人壽躋古稀含飴之下奉養餘年豈不顧而樂之乎至於持家之道克勤克儉咸稱有敬美夙此猶守節中之餘事耳歲辛亥黃族修宗譜余忝戚末因約略而爲之序無飾詞焉

大清咸豐元年歲次辛亥九月吉旦

邑庠生再晚瞻山張汝楨怡香氏頓首拜



元緒壬午重修



待贈張老孺人節傳

積善有餘慶不善有餘殃善惡之報如影隨形此耳不爽古人言之詳矣所可憐者孤寡萃於一堂天下之窮民有四一家已兼其二顛連無告之狀有令人不忍言者而卒能全其節保其孤則善倍尋常而天之報賜亦異嫂張氏同庄仕功公女歸先兄諱仁廣本期百年借老不幸先兄逝世未卜三年之好僅存八月之孤嫂氏年二十有二而寡當時毀容減性不難從夫地下視呱呱者在床上綿血食下絡篋裘豈能舍之而逝乎嫂氏矢志守節撫孤主中饋操井臼

光緒壬午重校

三才水

工紡績不辭勞瘁其持身也嚴氣正性堅如鐵石冷
若冰霜其接物也不畏強不凌弱和而介恭而有禮
巾幗中具丈夫氣象將見青年矢志白首究貞詔頒
天上榮增地下固其所耳而孰知天不永之以年天
之報賜善人竟若是乎然而男婚女嫁已畢生平之
願所謂四時之序成功者退是耶非耶特是天之報
賜善人亦未始無憑也嫂氏一子一女子珥義秉此
剛強正直一種率真之氣撲人眉宇得端人碩古
成之其人大有可用孫二長通惟次通聖聰明
皆後起之英地下有靈庶幾可少慰耳

家乘不敢忘嫂之苦節緣約略而爲之

昔

龍飛咸豐元年歲次辛亥應鐘之吉

叔仁元謹誌於芳桂堂譜局



尤緒壬午重修



黃母張孺人家傳

辛亥冬溫泉黃氏纂修家乘予以專至其局取
列傳莊誦之獨惜其於仁惠公德配張孺人之
贊一詞似未恰意因不揣固陋爲補敘之以彰幽光
焉孺人系出名門幼嫻姆教父諱良茂爲女相攸少
中雀屏之選者故十年不字時仁惠公方驚別鵠耳
賢名求委禽焉于歸後鴻案鹿車相爾夫子靜好是
敦仁惠公服賈他鄉定省有曠孺人甘旨滌瀝得翁
姑歡妯娌無間言前氏俞遺二男三女長珏棟甫成
童次珏梁僅六齡耳孺人飲食教誨視如已出男就

傳訓無曠儒素之功女奉母儀倍督女紅之課所尤難者珏梁頸患瘰癧腐穢難近孺人朝夕手爲洗滌積五七年不少怠遍訪良醫以求治療雖短有數不可救藥而孺人之心可謂盡矣未幾長媳金氏病卒又遺五歲孫貞乾呱呱待哺鞠鬻辛勤命也何如天乎已酷爾乃遭家不造實觀閔凶孺人方四十有二而仁惠公又主芙蓉城矣斯時也邁姑馬氏逾以幼子珏金甫解讓黎上有白頭下有黃口孺婦兼男以祖代母四世一命有不齊茹荼集蓼以兄嫂繼逝家道清貧遺姪孤苦伶仃

婦兼男以祖代母四世一命有不齊茹荼集蓼

以兄嫂繼逝家道清貧遺姪孤苦伶仃

以兄嫂繼逝家道清貧遺姪孤苦伶仃

館臣

人推食食之解衣衣之俾各成立婚娶

無間歲噴

噴稱道弗衰噫如孺人者非巾幗中之巨擘乎
孺人年五十七矣珥棟列北雍業農商以幹練
金恂恂有老成風度孫貞乾亦頭角崢嶸行將繞膝
含飴優游以樂餘年知天之所以報之者正未有艾
也斯乃潛德歷久彌芳以付諸梓未識可與所葺列
傳並垂不朽也否耶

嘗

龍飛咸豐元年歲次辛亥小春月中澣之吉

邑庠廩膳生眷弟裘

鐘拜撰

尤緒壬午重修



節孝黃母裘孺人傳

節婦德也其貞心擬冰蘖其勁操比松筠曰甘貧且苦節節不同而皆可節旌之以見立節之非已勿也至苦節之尤而兼以孝著則黃母裘孺人有足稱焉孺人爲予族顯昆公女邑廩生黃鎮中前輩之家媳而珏璵公之德配也年十八賦于歸珏璵公夙癯痼疾孺人椎髻布衣井臼親操供藥餌無缺甫八年珏璵公遽赴玉樓之名其爲未亡人也年_纔二十五耳孺人銜感兩鬢幾欲捐生姑氏魏含哀止之曰兩世孤嫠家無餘子所依以爲命者唯汝若相從地下

重刊邑志卷二
元緒壬午重修

烈矣孝何有焉孺人由是忍耐三思勉從姑命顧念
亡無所出宗祧莫延謀諸姑知有季叔珏坤自幼被
匪人所掠存歿未卜孺人卽出資命人四出尋訪久
無耗姑有姪女適石城者託爲代覓懸重賞以招歲
餘有率珏坤來報者姑驗之信孺人慨然酬賞不食
前言得叔後如獲拱璧時家已中落賴孺人匱出數
畝以存活亟爲擇配問名於張氏輒併擋裙釵服飾
爲聘娶資妯娌雍睦嗷然無間張生子通源甫二
孺人身爲撫養視如己出後又連舉二男孺人
親族立約將通源承繼故夫珏坤爲

先代書

香不可使斬紡織以佐其讀婚娶之事

悉當其

事姑也以婦兼子其教兒也以母作師姑享年
去歲五月間無疾而逝殯葬如禮通源文思新
有乃祖風今孺人青年矢志白首完貞其節也彰彰
若是而所遇之苦茹荼集蓼有不足盡其形容者爾
乃竭甘旨之奉謀宗祧之延無在非孝思之不匱焉
所謂苦節之尤而兼以孝著者夫復奚愧異日者大
吏採風表揚而旌榮之而嗣子通源將來馳譽膠庠
蜚聲甲第以尊養其親則由苦得甘予於孺人可豫
爲賀也通源從予受業丐傳於予予諒不容辭因略

光緒壬午重修

敘之以備彤史之探

龍飛咸豐御極之年歲次辛亥孟冬之吉

邑庠廩膳生裘

鐘珩撰



苦節裘孺人傳

閨閣所推崇者柏舟烏鵲黃鸝詩尙已懷清
高行之錫與夫毀耳毀鼻之各行其志雖不能
畱生氣垂爲不朽邑西裘孺人者亦有足多焉孺人
裘氏怡榮公女太學生黃君珏盈公淑配少慕志節
雖家人言笑不可多得顧處娣似妯娌間翁如也歸
珏盈公數年舉一男二女公以耽書成癖寢食俱忘
遂以瘵卒孺人撫孤成立娶總金氏一索得男僉謂
積善之家洵有餘慶無何桂折蘭摧一子一孫相繼
殞夭嗟嗟山崩川竭魚鳥何歸孺人其命苦哉夫釵

鳳初分鏡鸞乍掩天日之誓流露至性爲問歷久不
變者幾耶而世家閥閱有碍門楣婢僕充庭空牀泣
掩以視薪水之資取償十指孰難孰易當必有辨之
者孺人眞瑤池冰雪借作心肝死者復生可以剖看
者歟先是玨盈公垂絕執孺人乎而告曰膝有癡兒
家無儋石卿將奈何孺人泣謂本期偕老不幸中分
香字皮金願效一剪祇以六尺遺孤偷生人世從一
之義妾雖陋耳之熟矣他日相見黃泉試行質託分
而後孺人堪質証矣孺人卒年六十有二少府書
殿燹爲玨盈公甥會黃氏族修譜牒

予一言予樂敘其苦節如此若

真姓多

士前經題誦 旌獎毋庸余贅

書

光緒八年歲次壬午膺月既望

候選教諭舉人陳光佑拜撰



光緒十五年重修



孫孺人傳

孺人瑞文之長姑也姑逝世時瑞文纔九歲未及知暨長聞吾父時時稱道姑弗衰既已心識之今外兒官懋又以母氏行狀見示余讀之益嘆孺人之難能而可貴也爰自忘不文述其事而爲傳謹按孺人性端慤慎言語衣服不喜華飾先大父母鍾愛之年十入適黃公珏靜公父諱永修歷署景寧孝豐桐鄉青田訓導先大父與之交最契故以姑字珏靜公焉公爲人甚剛介事稍拂意卽悻悻然不能忍以此常與人忤自孺人歸後婉言戒諭又爲左右彌縫得不生

釁隙事當是時公銳志讀書不欲以家事自累孺人
知其意常代爲經理一切錢財出入簿籍登載靡不
井井有條公以是多孺人能而孺人殊不自功也孺
人御下寬接人和鄰里之貧乏能恤之妯娌之詬諍
能平之而奉翁姑尤順先是訓導公之未仕也家事
無大小恆樂與孺人商及解組歸春秋既暮常染病
家人減獲輩事之迄無當意獨孺人先意承志奉飲
食調湯藥事事得宜以故訓導公每與人言未嘗不
亟稱孺人賢歲辛酉髮逆寇亂孺人携其子避山中
已而珏靜公死於難聞變倉皇奔避而哭之哀

痛幾絕賴親戚慰諭得免越三年不
疾時外兄官懋已先期赴試八月旬初適聞捷音
張目視家人曰吾今願稍慰惜不及見也至望日疾
大漸奄奄無語而卒年五十

昔

光緒八年十二月二日

內徑

撰

加八寢



